



عطنتل وسنين

سعدى جبار مكلف

الكتاب : عطش وسنين (شعر)

المؤلف : سعدي جبار مكلّف

الطبعة الأولى : القاهرة ٢٠١٩

رقم الإيداع : ١٩٠٥١ / ٢٠١٨

الترقيم الدولي : 5 - 457 - 493 - 977 - 978 : I.S.B.N

الناشر

شمس للنشر والإعلام

٢٧ ش الثلاثين. برج الشانزليزيه. زهراء المعادي. القاهرة

ت فاكس : ٢٧٢٢٨٠٠٤ (٠٢) ، ٠١٢٨٨٨٩٠٠٦٥ (٠٢)

www.shams-group.net

حقوق الطبع والنشر محفوظة

لا يسمح بطبع أو نسخ أو تصوير أو تسجيل

أي جزء من هذا الكتاب بأي وسيلة كانت

إلا بعد الحصول على موافقة كتابية من الناشر



عطش و سئين

شعر شعبي

سعدى جبار مكلف

أستراليا - سيدني

مقدمة

تمردت ذاكرتي ، ساورتني شكوك أناخت بأحلامي المتعبة ،
أتصفح عوادي الأيام... فوجدت أشلائي ممزقة ، وبقايا
مبعثرة ، عطشنا سنين ، وجعنا سنين ، غينا سنين الى
طرشان الزمن ، غرباء محطات السفر ، فاقدي الشراع ،
متنا من زمن بعيد بلا أكفان ولا توابيت ولم يودعنا أحد ،
نحن النهر والصفاف والنخيل ، نرمى بالطوب والحجر ،
ونعطي أحلى الثمر ، سنين وسنين ، عطش وعطش...
يا أيلول ، يا أصدقاء العمر ، أريحوني فقد أتعبني الزمن .

العُرسُ المندائي

يا منبت النبت أزرع ، يا جادل الأكليل أجدها ، متقياً وزكياً
وأسمي بهم للمجد ، صغير أنا بين الأثيرين ولكن نفسي
عظمت وأزدهرت ، حين سقيت من ثغر الفرات ، لتحرسك
الملائكة الأبرار...

عروستنه الحلوة يله زفوها
خلي الروح تمجع رسته لبسوها
أسألوها عن الملواشة أسألوها.. أنشدوها
هدم أبيض حالاته لايك أعليها
منداي دارة الطيين والنخوة
أشحلو مهرة
علم عالي يرفرف طرز التاريخ
من آدم ويهية أمأصلة الأجدود

نشع خير ومحبة وخير للموجود
هدم أبيض وطريانة وياس أبعاد
أعيونه تشع أيمان عطر أيزود
للعطشان ماي أبچود
خاشع رافع الجفين يا هبي
أحفظ ناسنه الطيبين
كل الداى كل الناس
كل الناس المحبين
يله أبدي يگتزفرا
أردد أقره البوثات دمعي أيسيل
ظل حتى الفكر حاير تره أبامره
أهن ساعة أهن ساعات
وأعيشن غافي أبكتره
أصبغنا يگتزفرا
وشيل من الكلب حسرة

ما أشعل شعوع وياس
بدهن أشعل العشرة
طيبة أنفوح
يا أهل المحبة وخير مسرة الروح
أنه لابس الرسته التاغة
أتعط عطر وبخور
الهميانة ضوه وبلور
الكليلة ديرم الكصة
غصن الياس عل الهامة علامة نور
يگتربرا عهد منذور الطريانة تتكلم
خلها أدور ... خلها أتور
خلها تكتب ألنا أسطور
تحچي قصة الأجيال
زلم أسباع
ما تركع أبد للگاع

ما نرضه الشمس تنباع
 سامع بالشمس تنباع
 مندائي الشمس ما تخمد وتلتاع
 من آدم بدت من شيت والأتباع
 جذور أو ساع
 ما تخمد لون تطبك عليها الكاع
 ما تنباع ... ما تنباع
 ما نقبل بعد أوداع
 حلوة أطباع غطني أساع
 خذني للشريعة فدوى ترميذا
 غطني أجماي فدوة شوفتي عيدة
 أحبه وروحي أتريدة
 غطني مو ثلث مرات غطني أكثر
 بلكي الروح تهجع من تجيس أيده
 كثر لي بالمية

خلي أبغلبه حنيّة
خليني أعيش أبشمسه وبقيّة
أنتقاسم لكمة الخبزّة
جوز ولوز أخلاص أو وفاة رمزة
شوكت يصبح أليّه ونكسر الكوزة
أبيت الرهمي كعدوني ... حلفوني
وهيي أفديله أعيوني
وحگ الناس
وحگ ألكيلة رفع الراس
وحگ كل من فرض الياس
بختك درفش اليهية
خلها المرگنه أدور
يله أكسرنه الكاس
خلنا أنطگ راس أبراس
محبس ياس

شفت الكلة منصوبة البخور أيعط
 بالطريان لا أتحطون خبز وقطع فضية
 حطوا الروح والريّة
 أفرشولاه الكلب خل يهجع أشوية
 ثوب أخضر
 وفاة وأخلاص ومعطر
 سبع كاسات شربني من الهمرة
 حط اسمه
 بوسط گلبي أحبه وحاير بأمره
 لاتسكيها بس اثنين
 ضيف وياهة حنية محبة وشوگ
 وفاة وأخلاص كتزبرا
 عهد كشطة من عمري على عمره
 وهي صاينة العشرة
 تظل روحي تحت كترة

أعيش أوياته على الحلوة على المرة
أحنه ألف مرة ألف مرة
الطريانة متربعة ... أهن تسعة
مثل شمعة .. حمل الوالده أمكدر الطلعة
حمل الوالدة تسعة
أبورء الجورى عطرونى
أبماى الجارى أصبغوى
كشطة وعهد بمتوى
يشىخ أكتب الملواشة
ترانى هوه بث أهر
وحبىب العمر كتربرا
تره أمة ملىحة وهو بر ياور
فص أهر
حط عىنى بدل ياقوتة يلة أمهر
أذا رءتوا شءر مرءوص عل أىسر

محابس للمهر أعيوني تتصدر
 أحط أكثر.. زيب ولوز
 تمر وجوز
 أصيرن لاه جسر لو جاه ضيم وعوز
 عرسك فوز
 يلة أكسر أنه الكوز
 خلي أشموعنا تضوي
 خليها أهلاه تصدح وتدوي
 أشوكت العين تشبع منه وتروي
 شوكت أيجل عليه الخل
 خلنا أبجسد واحد حل حلال الخل
 صبح خلي أليّة وبيه أنغزل
 ثاني الكوز من هلهل
 سمعت صوت أهلاه والطبل يصهل
 لا تفتحلي زناري ولا أفتحله زنارة

شدنه أبجلمة الكشطة
أطفي من الكلب نارة
يهييّ أحفظ الدارة
خلي درفش اليهية علم عالي
يعط أيمان أباداري يا ماري يا ماري
بأسم الحي وبأسم العارف بالحي
خلنا أنعيش شمس وفيّ
أندب رافعة الراحاي
بسم الحي بسم الحي

ليل الدفو

دعيني أتأمل في عينيك بصمت ، فقد عصفت في أفق ذكرياتي
 أجراس الرحيل عندما طرقتها في الماضي ، نعم أجراس رحيلك
 يتملكني هاجس الألم ، وتعتريني رغبة الصراخ والثورة
 والعبث والجنون ، عيناى أستوطن فيهما الحزن الأبدي...
 لا تسألني من أكون...

منهو انه

لا تسألني منهو أنه

غربة وهموم وحزن

شوگ العمر

علگم سگانه

هو أدري منهو أنه

حتى گلچ

أنه حوم التاه من سرية

وبعد ضيع مجانه
أنا چانون الدهر وجر أدمع الحبة
وحرار بيه حتى زمانة
ونحسب عشگة عليه
وصار من أيام عمري
ضاع كل شوگة وحنانة
أنا نار أوجاغ دلة
شواط گهوة
شاغت أمن أسنين تعبها الوكت
ضيع هوانه
آه يروحي
ألما رست بأول عشگها
قمت بدروب الحبة
الغافية وتتنى هوانه
الدرب خالي
أشلون لوعات الليالي

شوفي حالي
 صرت ربان السفينة
 المارسة مرة أعله چالي
 صچچت دناي غبرة
 لا تبالي
 ياخسارة عمري الضايح أبوسفة
 المالكة لهفة حنان
 شوفي أنتِ وش جرالي
 أنا ذاك الطير هايم
 بين دفات العواصف
 لاني گاعد لاني نايم
 طير هايم
 طير مكسور الجناح
 وعشعشت بية المصابيح
 آه يا عمري الوفة بدنيه غشيمة
 ياحريمة بين لوعات وسفر

أبلا وداع أبلا متاع
يا حرمة الكهوة شاطت
يا حرمة العمر أغبر
چنت طليع النخل
وعثوگ برحي
أبريم سيحان
وتبرزل شط أهله
الگاع ملحي
ماي قداح وعطر جوري وبنفسج
فرحي.....فرحي
والدمع وزر توالي الليل
أوعي
أصحي روعي
هم تگولي هو صبحي
شلون صبحي
أشلون صبح بلايا غبشة

شوكت تصحه
 آه ولج غمچ يروحي
 نوحى نوحى
 وأدرى وشل دمعي
 أعله أبلش وشل
 ونت همج ذاك همج
 همج أول مثل صاعود النخل
 ما عاف كاعة
 ساعة ساعة
 أيام خيمتها الشموخ
 بين سوگ أصيدلية وبين سياب المطر
 والكليجات وخبز تنور أمي
 الطعمة مازال أعلة حلگي
 لا وحگ أعگال أبوي
 الشال بيرغ عزته ولمة زلمنه
 أنه أنه

أنا سالوفة عشگ عشار ما ناسى مجانة
ها عرفتى منهو أنه
أترك العطاب يسعر
يسعر أبعمرى ورفيف الشيب
ليلو وطرز سمانه
ها نياشينا الغدر
حنة عرس
حنة أضلوعى أبفشگ شرحى لقانه
هذا أنه هذا أنه

٢٠١٤\١٠\٣

مشفى الرهاب غرفة ٨

سیدنیج - أسترااليا

سفينة بلا شرع

من الأعماق إن شواطئ الصدق رائحة تناديننا ، ربما لا نصل إليها إذا لم نطلب الرحمة من الريح كيف نعيش بلا شرع، الموت، المشانق، الشهداء، السجن، الأمهات... الأخوات الذل باب السجن... في لحظة واحدة يمكن أن يمر العمر ، ويستمر السؤال : لماذا...

گلنالک تحذر ناوراک الذيب
 ياجبهة التكض سطوة حراميهه
 گلنالک تحذر ذولة هممة أشباط
 وبقصر النهاية أعلام تلگيهه
 ييو روح العزيزة وريجة الطيين
 شيفيد العتب لو ثار سرگيهه
 کل الناس ألك والهور حتى أدهوك
 بس أشر نصب نيران تصليهه

چم نجمة الهوت بالكاع ونتة أتشوف
 تدري أشباط الأسود هوة سايبهه
 بده الطاعون يحصد يل كط الزينين
 وسفة أعله النشامة أيموت حاديهه
 ياسيد العفة أشلون تنسة أشباط
 والعلكم شربتة وعفت صافيهه
 يا ويلاخ ملج الموت من ملكاه
 أتغلس عن رفاقك هاي تاليهه
 مهرة أمسرجة ليلو وعكد ألماس
 كلي أشلون ترفض تركب أعليهه
 أكحيلة من قهدها أبريح ما تجفل
 جناجلها ذهب لاىگ أبرجليهه
 أحنا أهل الجسر والراضعين الطيب
 تاليها أجماية ذيب نرضيهه
 ما حسبت چم سجة القطار الموت

چم شمعة أنظفت أشلون تنسيهه
 يا جبهة وعهد ميثاق موت ودم
 يا حلمة التوگف غدر ناويهه
 هذولة هم بشر و دگ معاهم ساس
 ناوين أعله چتلك نار طفيهه
 وسفة وألف وسفة أخواني كلها أتموت
 وأنتة أسكوت صابك ما تسل بيهه
 ولا حتى الجفن بالليل فز وصاح
 ظل الموت يحصد كل معاليهه
 يا جبهة الكشره ياخزي ياعار
 يا بيرغ الذل بكل معانيهه
 يا ميثاق الأگشر دونوه أبدم
 تعمة العين من نذكر أساميهه
 يا بيرغ الذل وتفگة الغدار
 چم موت العصف برگاب واليهه

زعاطيط الوكت والطوش والعاكول
 أتوزع بالمنايا أبشور طاغيهه
 عرفناها المنايا أدگ على ألبیان
 دخل طاعونها كاصد تواليهه
 أصحه أقره التاريخ حگ الموت
 سیوف الغدرتك گطع أياديهه
 أصحه والجبل حنة وكحل لعیون
 كلها أبشوگ یا صایغ تراچییه
 چم نجم التوسد شارة الطیین
 ما مش زود لا غبشة التصد لییه
 چم نشمی أنچتل نال الشهادة أبعز
 وأنته السكتة ألك وصلت الواطیهه
 یا میثاق یا جبهة التصد الروح
 فشگات الغدر حصدت بیابییه
 یا میثاق یا جبهة التصد طاعون

دظل أبغصتك بعدين تلغيه
 مو شمتان و عيونك عتب سبعين
 كسران أالضلع شارة التزكيه
 شعتب و أالعتب ماظل بعد مستور
 سفينة أبلا شراع الموج طاميهه
 مو شمتان بس أهروش تصرخ آه
 تايه بالبحر چا وين چاليهه
 مو شمتان لا هي زوبعة فنجان
 هي صرخة مناضل و گته چاويهه
 من اللفة مشى أبدربك يتاج الراس
 ظل شدة أحزام و دومة شاريهه
 ما طخ راس و أيام السجن تشهد
 بقى تاريخة أبيض سل أهاليهه
 عتابي وياك ما يخلص يبعد الروح
 أهى عشرة عمر أشلون أهيهه

أهي ثورة عتاب وصرخة البركان
لحد كقطع النفس والغبشة نتيهه
مو شمتان وعيونك أعد أجروح
تدرييني وفي بظلمة لياليهه
أنا أبنتك نبع لبلاب يا ريحان
وأنته ويا النبض تسري أبسواجيهه
ما ننسك لو نشتل وطناً أضلوع
تظل نجمة الغبشة ألي تضويهه
مو شمتان وعيونك عتاب أحباب
تدريها السفينة أتريد شاطيهه

أحباية عشق

هل آن الأوان أن أقف فوق أعلى قمة للنسيان وأحرق كل
ذكرياتي المثلثة بك وأكمل العمر بذاكرة جديدة لم يمر عطرك
على أراضيتها... إنني أسير وحدي... أعيش وحدي ، وأغني
وحدي ، وأحزن مع الناس...

لگیت أسمة على الشفة
وبوسط الكلب يصفة
يتنومس وي سيل الدم
بالشريان خل يغفة
أگله نام يمدل
نبض روحي أبوشم چفة
بس أيهل أبياب العين أحطنة
وأگله سيد العفة

أخاف أعلية من عطر الورد
لو يوصل بيابي العين ويطرفة
عزيز وداعت أعيونك
شحلاتة المقلب أبزلفة
أمانة أروحتي عندك
أمحال شلك أبوصفة
أخذني الشوگ للعشار والبصرة
غريب أمضيع العرفة
لگيتك جنجل العريس
عباته ودشته الولفة
تگلي أمرایة الحلوات
گمر ونجومة أبصفة
حنيتة حمام وتاه من أهله
نشف دمعه ينوح أبخن وبلهفة
طلعته من الگمر شذرة

شرع الما خذل بحارة والدفة
 أگولن للشمس وینه دفو المشراگ
 جاوبني الدفو أبزود وبکلفة
 سألت النجم عنا گالوا أمعزلين
 بعد عيناه کل أنجومنا تطفة
 أهو نجم الثريه العالی فوک الفوک
 لو غاب الثريه منهو أیخلفة
 ناغيت المشط يل سرحت شعرة
 جدایل جورى ونعناع
 تعط عنبر حدر ثوبة صعب وصفة
 یا فرگ الحرير وگهوة الديوان
 بعیناچ الفرچ أیهلهل أبلطفة
 أناشد دیرم العشاک بشفافچ
 على کیفک بدیرمها تموج أهیدة وبعطفة
 کل لون التحطة أیلوگ عل الحلوين

أهو غبشة جمال وضحكته ترفة
ييو وجه الصبوح الگمر منك غار
ما يضيوي بعد ظل يعتذر وسفة
حنة عيد مصباحك ألف تفاگ
كلنا أنروح نمشي وياك للزفة
أحبيب دشتك للدار دشة خير
ما ناسيك لا وعيونك أتخلفة
أدري بيبك حد گطع النفس وياي
أصیحن بالسلف والهور ألف وفة
من يوم الغبت والوسن سن محراب
يخايب مر عليه وگول أهی صدفة
أشلون النوم وننة أوجاغ المحبين
أنا وياك دهلة الماخذل جرفة
أزامط بيبك والخلوات كلها أتصیح
حرز ليلو وشذر يلصف على چتفة

أحبك لو جرعت السم من أشفاف
أردن للصغر وأتكمط أبلقة
أشوفنة الف نجمة تزر باليل
وتتمنة الثريه أتضوي أبطرفة
أشوفنة ألف ورده أبشذى وعطور
أخافن من العاذل أيدة لتكطفة
ضحكته أشراع لا غنوة أبجلگ سمار
وحچاية عشگ بعيونة وبچفه
نشغ طلع النخل وأتوسد اللکاح
وعشوگ المحنة محبس أتعرفة
الفاخت تغنة بنايل الأهوار
والصاعود صفك من هوى السعفة
ألوذن بيك لو ضاگت علي دنياي
أمدل للنوايب ماتظل كلفة
عزيز أنتة يبعد العين

أدرى شوفتك تشفة
بعيد أنتة جريب أنتة
شمس دنياي تدري الروح متعوفة
أخاف من الليالي والهضم يلفاه
أدرية الذيادة أنتهشة وتحوفة
نعناع العشگ والطيب والريحان
يا بيت القصيد وعتبت أحروفة
ريحت هيل عطت كحلة أعيونچ
يا عمري وحياتي أبرده وبصيفة
يا ولف الطفولة أشلون أنا بلياك
أدرىك المضيف وطيب معروفة

لاجئ

لقد ربحنا المنفى وخسرنا أنفسنا ، إننا أسماك نموت خارج
الماء ، لقد خسرنا أنفسنا وذبحنا ذكرياتنا ، وبتكلم لغة ألحان
الجنائز ، إننا في انتظار النهاية رقم في "اليو إن"... نحن
لاجئون...

أشكي المن
هاي تالية العمر لاجئ
أشلون بالعايش أبسيدي
وعينه تربي أعله الرباط
الله وأكبر
سيدي.... سيدي
كلشي بيها
بيها أخضر بيها أحمر

أنا لوني لون بصر اوي أصيل
أنا لوني لون طليح النخل
والريجة عنبر
بيها أخضر بيها أحمر
چم محطة العمر يجزي
وطبغة التئومة همة
تدرى بيّه أمدلل أمة
يصيح يا أم البروم
وين ذيج الزلم لمة
لمته لمت عرس وشوگي أغبر وين أظمة
ياخسارة روجي الشفجة الوكيحة
تنهضم شوگ الغريب
وليل ظلمة
وي عساها أجموت وبطاعون
يا روح التحب ديرة غرب

هم هواها أعذيي نسمة
 هم يفز غبشة فجر
 ينظر أحباب المحلة
 يشكي هممة
 كلي مبروك أصبحت لاجئ أبسيدني
 أنسى شوغ أمحبتك
 أنسى موال التحبة
 وسوگ حنا وسوگ هندي
 أصبحت لاجئ أبسيدني
 أبد لا تذكر حنينك لآم البروم التعاتب
 والطويسة وخورة العشاگ
 چنها أضيوف عندي
 وشارع الكورنيش
 يا نخلات أهلنا
 شوف صوباط العنب

زاهى عنبنا
ذاك ناعورك يسىحان العتب
ضاعت الچلمات ما چنا أبنا
ذاك سعدى
وسعدى يوسف ما یجر قوس الربابة
سالم المرزوك یلم بالصحو
ماظن أملنا
آخ یدموعچ یبصرة
هاى تالیها أبغرب وچر حزنة
دیرم الحلوات وطیوب الحباب
أتغنى ونا
وین تومانچ وناىة
شلون تاریخ العمر ینسى الخنة
آخ منك شهر تسعة
أنا نارى أمولة تلهب أمولة

خيط شمعه .. لهب شمعه
 نذكر أيام الرفاق وضميم ربعة
 منهو الیسمة
 منهو رد الصوت یصرخ
 باع تاریخ العشگ
 بالسوگ فزعة
 أخ منك شهر تسعة
 أنا صار ویاچ سبعین العمر
 تالی لاجئ
 وما أظن فد یوم رجعة
 ما أشوف أدروب عشگ أصبای
 مغلوگة أبسجن وین الیتبعة
 نذرت روجي شموع وياس
 ريحة هیل تالة عشگ ومطلعة
 تالی سباح الگلب یطلع دغش

غش العمر وأنتي صرتي وي الدهر
الدموع أشطوط فاضت
تايها تسري أبنهر
چانت البصرة زلم
أحزمة أبطلعة فجر
والفجر سيف أيتلاصف
فرت الحاصودة تخبز
خبز أهلنا
شنهو أثمر
هاي تاليها القلم علگم حبر
آخ يا ويلاخ يا لمة أخوتي
آخ يا أبراهيم ميزر
آخ يا باسم الكاصد
تالي ينباع الگمر
كل حرف منچ يبصرة

عران ترچية نصر
أنتي أحلة من الكمر
يخسة الكمر
أنتي نجمة ما تغيب
وأنتي غيم أشته ومطر
شلون أنسى أمحتج
أفیش چلاب العمر
ليرتة ودگ الشدر

٢٠١٤\٤\٢٠

مشغى الرهاب غرفة ٨

سینې - أستاليا

اعترافات أمام برج بيزا

عندما لا أجد من يخرج جراحي إلى النور ، عندما لا أجد من يغسل حبي بدمعي، عندها أصرخ أني فقدتك ، سأبكي وأتمنى أن أستنشق عبير المطر ، وهواء الشتاء ، وغيوم الشتاء ، أطلب من الله أن يبعدني عن ذكراك وشوقي لك واحترافي في سبيلك ، هذه لغة الموت الأبدي ، أن بيزا مائل والأرض منحنية وأنت...

الله

أشكد كبيرتي

ضاعن أسنين العمر بالغرابة عشتي

عشتي أيام الكحط

آخ ياليل الظلم بية أنجرحتي

الجرح خزن أبروحي

صيح يا دلال بالغرابة صبحتي

موگدي وعطاب روحي
 چرغد اللمة وحبایب طرزتني
 الدنيا..... دنيا
 أدور دورة أسطوانة
 بيزا أعوج هم دريتي
 خلني يا بيزا أسولف
 عن زلنا الچانت أهز الوکت
 نجوم چانت أتضوي حرثات المضایف
 چانت الهوسة وبيارغهم تطگ چبد السمّة
 کلها چانت تومي ألچ ها يا تجيتي
 چان عثگي ورطي برحي
 أوديرمة وحنة بديتي
 چان صبيان المحلة ألعبي بالچلاب
 درة لا ليلو آبگذلتي
 چان ألي بالبصرة بيرغ

والطويسة أشموع تضوي
كلها ألي ها شو سكتي
لا تأشرين أعله بيزا
هوة ياخوية العتب چلمة وصفنتي
هوة حفنة أضلوع كاسرها الوكت
يخزر أبعينة الصلفة
يصيح ما چن آنكسرتي
هوة ياخوية الدهر لچماته لچمة
الدموع أمعاتت وي العين
وينه الكال عونك
منهو أيطفي جهرتي
ألف غمها الروح غمة
وين ما وچت تنوح
منهو يستاهل دمعتي
ياهو اليسوه الحزن

وأمن الأسود لبستي
 يا حسرتي يا حسرتي
 شوف يا بيزا ولك حتى الشفايف
 والكحل تايه على چالي وجنتي
 شوف زوجت الوكت بيدي الطيبة
 رفته بس أيهوم هومه أنتصرتي
 چنت أحطن ديرمي ومحلب عباتي
 والمسچ عط بالزلف عنبر سگيتي
 وشلگيتي
 أشلگيتي غير صخرة أتلوچ بالتاريخ
 والتاريخ أعوج ما يبردي حسرتي
 ولا يوغفلي دمعتي
 منهو أیصد العواصف
 أیصیح بيها لا تطفيلي شمعتي
 منهو أیظفي اللهب العطب

أبلحظة عشرتي

منهو منهو

وشنهو شنهو

خلها سكتة

شوف يا بيزا الدهر محرب عليّ كقطع مهجتي

چنت أزف الدهر هلهولة تطگ فرحة حرثي

وچنت أحط أزواگة الزفة

أغني بصوت عالي يطش فرحتي

گلت أزامط بيك كل الناس

ما يوم أنخدعتي

ضاع حجتي الناس كل الناس

والديوان غلس ما دريتي

حتى شبات المضيف وگهوة الدلة تبتد

كل فناجين المراحل تعتب أتگول أشكسبتي

ما كسبتي غير لوعات وهضم

علگم شربتې
يا صلافة عينچ الوكحه التخازر
هذا گلله ما أنخدعتي
ظلي علچي بالعلچ
خوش غنوة
آنتصرتي آنتصرتي
بيزا أعوج الكاع عوجة أنتي عوجة
ماعدلتي... ما عدلتي

٢٠١٤\١\٢

سیدنی - آسرائیا

الطونل

هل كان عليّ لزاماً أن أختنق برائحة الحب المميت في أعماقي
كي أتجرأ لإعلان وفاة حبك ، لقد انتهينا وأنا أعتزف بالنهاية
لقد عشت الفراق وسكن أعماقي... لقد آن الأوان أتركيني...

ولو ما تسوة العتب والبينا بينا
ونبتدي أمين السوالف
وسيفك الكقطع أدينا
أزماط ربعي وأشهگ بجرف الليالي
والليل نجمات السمة تسمع حجينا
أنته صرت وياي غيمة صيف
مو مزنة زينة
أنته صرت وياي ميدوزا وحجر
چاتل ولينا

يا لهيب الشوگ لأيام الرجولة
عزة النفس وحنينة
يا حلاوة روعي من توگف جبل شامخ سنينة
چنت أگابح بیچ کل أهل المحلة
وکل ضواري الجول بس لحظة تجينا
يا مناحة روعي الوچت على أطراف الوکت
والوکت طال الوکت ما وچه لینا
ضاع مفتاح العمر بيدک دفنته
أدري للوادم تگول أهو رهينة
صرنا للغبران حرثة
صرنا للمجهول حرثة
وسيفه صال وجال بينه
أنباعت الجلمة وحلم ذیچ الليالي
وأصرخ من الشوگ الأرعن
ها ولك ظل لا تجينا

ما بعد عدنا دمع
بعدهما تطلع شمس
والله أنسبنا
وسبية الغمان صعبة
ها أذكرك
أبقطار الموت لو قصر النهاية
النار تلهب بالكلب أسمع ونية
ونست ذيح الليالي
شباط يضحك وموزرة عالي ورنينة
يدبج أعله الروح
يا دجله وفرات أتفرهدينا
أصحى يا شط العرب
وگوم أعلنها أبعزم محنا انتهينا
وخلها تسري المدة مدة
وخلنا نشتل ديرم ومحلب عرسها

لولي نعي

صير مرود كحل عينة

چنا نعناع الهوه وبيدر حنينا

چنا نجومات السما الماغات

وصاحت علينا

والگمر من مستحاته أيلوذ بينا

والشمس صاحت هله بالمعتينة

صرنا مثل الشمر جودة

بگييض بالصحراء تصرخ لا تجينا

آخ يمدلل بعد ذاك الدلال

العيد أجفة أنعيش أياماً حزينة

الف غمچ يل هوييتي الشوگ

والعاگول والچولان عينا

الف غمچ أنعميتي وما توچدين

الصبح وتصيحين بالهندس صفينا

وغمة غمة والف غمة
لنتي ماي لنتي نورس
تابع أشراع السفينة
تاهت أيام الشباب والطفولة
بعد ما عشنا بسكينة
أعمى شي هممة الظلام
خلها نور خلها كل شي
انتهينا انتهينا

٢٠١٤\١\٥

الشماتة

كل الهواجس والعطور النرجسية ، الدمع والسهر الطويل وكل
قطرة من ندى الشفتين والروح الشقيهة، لقد انتحرت أحلامي
المليئة بالمحبة والغرام ، كل حرف من قصائدي وما أقول في
أملي ، صبري وليلي لك وحدك ، للماضي للحاضر للمستقبل...

الملامة

كفي الملامة

فوك ضيمي الملامة

يا شماتت صوت الأرعن

أشلون من يطري كلامه

قصة البطران لو يحجي غرامه

سيفه يلصف ناوي موتي

هذي أضلوعي علامة

أمورث العطاب الأعمه
واللهب يوصل الهامه
يامه يامه
يامه غنينا السلامة
وأنا أتني صحوة الحاصود
لو فز أبنامة
هم بعد أترجى غبشه
وينجلي الليل وظلامه
أصيح يا طليع نخلي
ماي لكاحي ندامة
أمحازر وي الريح ياليل الشماتة
أنا تايه
معرفت مقصد مرامة
شبت الأهات من صغري
ورياح البين علگم وأنا أطيرن

طيرتي طيرة حمامة
چنت أكل الشمس أليه
الگمر وي النجم حتى الشريا
أخ يا كاس الندامة
ما مشت وياي عدلة
ماهي أتلوگ المقامة
چنت أصلي وي النجوم
خلصت السبعين
مافد يوم يفطر عن صيامة
عن صيامة عن فطامة
كلها أيامي قيامة
چنت بالديوان شعة
أيلوگ الي زفة عمامة
هاي تاليها صفت
موتت الطير أبسهامة

وفوگ كل هذا اللامة

أنا المدلل الأبن ذیچ الطمامة

أنا بیدر رازقى وعنبر قدامة

أنا أنا

أشخصج یاروح تالیها الملامة

أنا ضایع بین صحراء الليالي

وعزتی وحرثت خيامة

أمعاتت وی الروح أنا

منهو أیذکره بشهامة

منهو یذکر زین ربعة

وحنطة وشوگة وهيامة

حتى أنتی أشترج أجمای عینة

الملامة الملامة

الریح تذری أيام عمره

وهو یتوجه حطامة

والمنيه أتقوم يمي
مادريت الموت خرزة لو علگ
شدة أحزامة
بين دمعة وأبتسامه
أبتسامه أبتسامه

٢٠١٥\٢\٩

سيدنيج - أستراليا

التنوك الدائم

عشگى دائم لك يا مدينة الوفاء والطيبة والحنية ، بعد فراق
طويل سنين كثر قالت لي من عمري على عمرك لن أنساك...

لا يبصرة

لا تصدگين البعد نساىي

أنت موالي القديم

كاولية وركصة الهيوه تطرز أحزاني

أشلون أحب غيرج يسباح الكلب

وصدگ أگله أنته ولفي الثاني

شلون هاي وشنهو أنا

مات حلم الوفة أبعيني

وماتت الحوة القديمة

عود من تالي عرفت عنواني

أمنين ألي أعيون التصد وتشوف غيرچ
 أمنين أنا عندي گلب
 يعشگ بعد يسهر بعد
 وأنت عشگ أصبای
 هلهولة فرح أحزاني
 لا يبصره ما نسيت المرید وسوگ المغایز
 أم البروم الحزن برداني
 ما نسيتك سوگ حنا
 وشارع الكوورنیش و الخورة الحبيبة
 راح عمري ما بعد يتناني
 شنهو أنسة وشأخلي
 أشلون أنسة أخواني
 چنت أشد أحزام شوگي
 بس أشوفچ وأسمع الخوية العزم ينخاني
 جبل عالي حده يوصل للسمة

یواگح الجیلات والصدّات
لحزام الوفة قهر وفرح یلگانی
أحاه سجات المهجر
شح المطر
حشف عثگنا أشلون یا أخواني
صار تمر البصرة هودج
أخنتف گشتات عیدی
الوات خبزی
ماکو تنور الیوچ برکانی
صدگ درب أمحتج
شوگ الصغر ما بعد یلگانی
لا ببصرة
أنتی حنیة هلی
شوگ ومحبة
هیل عطر أمحمة

وكل العطور الفاحت أبستاني
 هو غصن الشوگ لعبة
 لو ردت أنسة البداية
 أنسة أيام الطفولة
 أنسة أنسة شنهو أنسة
 شظل بعد غير الدمع وأشجاني
 خلص كل عمري بفراگچ
 بفي حنانچ
 شرطة وتحقیق
 أيام السجن شوگ المحب
 يا عطر ریحاني
 أمنين ألي أعيون وتصد
 عين الوفة
 أنتي مشراگ الدفو بحضاني
 لا يبصرة أرباتچ أنا

الضاغ ملحج
دومة باقى أعله العهد
وبحياة وبماتة
أنى حبه وأسمج أعله لسانى
آخ هلهولة عرس نجمة صبح
أشلون أنسة أمحتج
وأنى أسمج مى زلال
دم زلال
يسرى أبشرىانى يسرى أبشرىانى

٢٠١٤\١٠\٣

مشفى الرهاب فى فيلد

سیدنی - أستراليا

الغبينة

ننتظر الفجر متى يهل ، أين أنتِ يا غبشة ، أين أنتِ يا ربيع
أنزل في أحلام اليقظة ، متى يأتي الوسن ، إننا في ضياع...

هيعونك

ألك فجر وتظل تتناه

ويعمر الوسن بعيونك الحلوة

أمنين أبدي وسولفلك

ما أذكر لفاني النوم

ودموعي أصبحت سلوة

هيعونك

يا ريتك حلم بالعين

تذكرني بأجلم غفوة

بجلم زفتك

من يوم هجرتني والدمع يچوة
وأظل أمسامر السمرة
أعدهن ها ثلث چويات
وأنا أمناطر المطرة
أدرى الكيظ
أنتة الكيظ
يا مطر الشتة الشحيت
ما ظل بالعمر گطرة
ولك گطرة
عفاها الروح تترجاك
بلكى ترجع الذكرة
ياجود المهمت أتناه من أسنين
ولا مزنة أمل منوه
أقشمر روجى أملكاه
اگلهأ أتروح ألك فدوة

يا بحر النشف مائة
يظل وي السراب أطيور
وش مگوه
تظل ديرم عشگ مغشوش
ما ترضاش
أنصير أوهام يا مدلول
تظل لا گیظ لا أشته
ويضيع العمر سهوة
آخ أمن الرخص لو صاح
آخ العمر من یرخص
عزیز أبدلته وگهوه
مضيفة أوطان للتايه
كلها عايشة بسطوة
حسافة أطگة الصفنات
ويدور العشگ گوة

شلون أشلون
شبحى باهوى شىحوة
أهو أشكد العمر يسوة
ثلث تيام ها يومين
يا عشك ألدغش بلوة
آخ أآخ آهن چم آخ تتحمل
أتنومس بيك يمدل
حرام الروح تترمل
تريد أويآك لحظة أتعيش
وأنته أتبوگها سطوة
صبح دمعى رخيص أنا
وصبحت أنا الغريب أمضيع الخطوة
غريبة أنجوم دنيانا
غريبة أگلوب چانت يوم قهوانا
چا وين المزامط دفگ الحانا

صبحت هسة غريب أنا
 وي غم العشگ لو عاف خلانا
 عفتني أنا المدلل
 تريد أبساع تنسانا
 هم سامع شمس تنداس
 بصبخ الكاع سيسانة
 ألك فجر وتظل تنناه
 تعيش أبأمل لقيانا
 تظل أطگ أغاني الشوگ
 ما مات العشگ وشواگ نيسانة
 يظل حبك رفيف الكاع
 يلهث بأسمج أفلانة
 شيفيد الحزن والنوح
 أمهدل تلطم الخدين
 قهل آدموع رخصانة

نعناع العمر عطشان
يشراع السفينة ألما خذل فد يوم سفانة
ولا سد المضيف أبوجه صحبانة
يا عيب الوكت يا عيب
الگهوة رماد والخطر يتنانة
شوكت أيجود فنجانة
يا عيب الوكت يا عيب
أنلوذ أبطارف الغبران
والغبران شالت ضاع عنوانة
أشلون أويأچ توالية العمر مهضوم
حسافات العمر ويأچ مسرانة
شلون أشلون

المطر

المطر يغسل كل شيء ، هل يأتي يوم ويغسل قلوب البشر ،
 يغسل الحقد والخداع ليعم السلام... ربما...

مطري مطري

بلكي أتغسلين أغلوب البشر

خلي عطر أمحبتني ديرم دهر

خلي چانون العشگ عالي اللهب

بيچي.. ينحب

يطفي لوعات القهر

الراح ناذر بية عطوة

باگ عمري

راح من سيدني يدور

راح لدروبيچ يبصرة

ويشغب أبسوك المغايز
تاه أمري
أم البروم التعتة
والتميمية عشك من الطفولة
كاس خمري
يعني ابن بريج ردي
تدرين الصدك ما قصرיתי
تاه وي أمحتي ديرم عشكنا
والعشك عت الكصيبة
سعف نخلتنا ومراري
تاه من يوم الغفة السياب بدروب الحبة
راح يندب عل الشواطي
يصرخ أهماي الخليج
وأني قدري
تاه يمك نهر جاسم

ظل نخلنا أبلايا كلبة
 صار لكاح النخل علغم مراري
 صارت المدّة حلم
 ماكو ماي وماكو جاري
 چنا نسمع كل هلاهيل الفجر
 الغبشة تبچی
 النجوم أمعصبات أتريد والي
 صار ملج الموت يستنگه الزلم
 عنبر يلم
 وسفة وهضم
 هاي تالي البين عشرات الليالي
 وينة وينة
 نتناك يا هرش العلاي
 نتناك يا ليرة ذهب
 يسوار غالي

نتناج يا هلهولة أطق بالسلف
يا بيرغ الثارات يا ثوار
يا سلمان يا لحن الصبر
شنهى الجراى
ها يبو ريل وحمد
يا سالم المرزوك يا عريان
أمن أشكى حالى
هذا شيبى وأنا بالسبعين أعمى
كلها عميان الخلة أترىد چالى
أترىد ربان السفينة
أىروح من عدنا التعب
يصير مكشوف اللعب
بيها تتناغة السمر
أم الشهيد أتفك حزنها
أتسير ضحكها ذهب

يسير هودج زفتة لشط العرب
يعني أبو نونة الحبيب
أيغني أبصوته العذب
وصفكة البصرة وگشتات الاثل
نظل نعني الهيوة أبوسط الدرب
مطري مطري
مطري مزنة شوگ
وأعتاب الأحبة
أعتاب الحبيب
لهفة المشتاك لهلة
عایش أبدار الغرب
وينزال همك يا گلب
ينزال همك يا گلب

مسج الأم

لم أجد وأنا يعصرني الألم وحسرات الموت تجتاحني غير حضنك
الداقي أغفو فيه... أنا المسافر بين محطات الحياة والموت
ألملم جراحي في هذه الدنيا وأنسج من ذكراك إشراقة لنور
الشمس الدائم ، كم أنا مشتاق لحضنك الداقي ، أتعبتك
معني كثيراً يا أمي ، اغفري لي يا حنونة...

يا والدة...

الجوري بطل ما يشع بعدج عطر
شبوي ليلي صافن أمضيع الفجر
الهيل يعتب عل المسج وينة الصبر
شنهني مامش غبشة لينا
نسرينا بطل خبر
الياس والقдах أصبح يعتذر
البلابل خرسة صارت

الطيور الطائيرة ناحت گدر
حتى الفخاتي عل السدر
أدموعها زخت مطر
العمر بعدج ييمة أشلون چا وينة العمر
ضاع مشراگ الشمس أصبحت دنياي ظلمة
صارت الحنية غلطة الشمس تبجي أبخزن
النجم دنگ يجب چف الحبايب
أحنا بدرو بچ مثل نخلة البرحي
توصل العجد السمة
تتنظر مطلاع صبحي
صرنا يحبببة نخل صخر وحجر
وأحنا ننطيههم ثمر.. أحلى الثمر
چنتي يايمة إلی غبشة الظلمة
الوسن جافة جفوني
أمنين أجيب النوم يمة أمنين حلمة
هية چلمة يمة چلمة زاد همة

ضاع وي چلمة الخوية دغش كلها

ما سمع بس ما يهمة

سار بدروب المنايا من بعد

عينچ ييمة من يسلمة

يمة يحببة يدوان المحبة

من أشوفچ عمت عيني

ينجلي من الكلب همة

حضنچ الدافي عشيرة بيرغ وجمعت عمامة

أعيوني تعمة من أذكرچ

وعمري يتناه الختم من يسلمة

چرغدچ يا طيبة خيمة

شراع عزة أرد أشمة

شوفتچ طبت عوافي من يوافي

ريحتچ مسچ الليالي

محلچ دفچت حنان

أنتي سلطان الزمان

صفحه بالتاريخ تضوي
أتشع محبة أتشع أمان
بكل مچان بكل مچان
شيلتچ خيط البريسم
أمعطرة بريجة ملاك
نجم وأعله من الشريا
ضاوي أيشع أبسماچ
يا عمد شبات بيتي
روحي منذورة فداچ
مگدر أنسة نبضي أنتي
شلون نسيان الملاك

٢٠١٤|٩|١

مشغى الراهب غرفة ٨

سيدرني - أستراليا

سيدي البرحي

أحب كل شئ فيك : الطلع الدفئ ، الفي ، الحنان ، العناق ،
يا نخلتي الباسقة دعيني أعيش، أتركي قصص الغروب والظلام
والضياع والدروب ، لقد ذهبت النوارس بعيداً ونحن شبه
أموات نستعير أكفاناً لنا لنصلي بها من أجل الآخرين...

يشبوي المسة گرNFL بالغروب
ريجة رازقي وكت الظهيرة
غار الهيل بطل عطرة أيفوح
حتى الهيل منك طگ عبيرة
مسج محلب أعذبي مرود الروح
شدة ياس وتفويض أبسديرة
قداح وبنفسج من تمب الريح
نسرین الليالي أنشم عطيرة

يا ريش النعام ودفكة الحلوات
بركان الوفة دايم سعيرة
دولبني زمايى أجب النجوم
أمنت الكلب عندك أسيرة
هلاهل أسمع الشمات وكت أغروب
لامووي هلي وكل العشيرة
أبشرك ذبوا الأسود علىة أساع
صار العمر أيامة كصيرة
غده حزني حزن مفطوم من أمه
طشت بالسلف قصتي الجيرة
صرت أعمة كلب ومفتح أعيون
صار أعمة اليدليني المسيرة
حتى الناي دمع من سمع الونين
صاح أنتة الحزن ماكو نظيرة
ردت أگعد أفيك وأغفه ساعات

أنسه الحزن وأيامه المريرة
 عرفتك من خفك كجلي أبلسات
 أدري أنت الضوة الدردي وتنيرة
 تشكبن روجي أبجسرات ببعادك
 أصيرلج عبد ونتي الأميرة
 أنشدك يا طلع برحي يلگاح
 شافيلي العليل أنت سميره
 حمل أجمال بچتافي على أبعادك
 تدريني همت ضاعت الديرة
 أنت الشمس عندي أنا بردان
 كون أبلا شمس شنهو مصيرة
 نجم من النجوم أمعلي فوگ الفوگ
 ما تغرب صبح لا بالظهيرة
 عيوني شورحن ما يكفي حزن الثوب
 أهو حزن العدل علة مثيرة

يا چرغد الراس وشيلة الديوان
يا صوت البحر صمته وهديره
علية الموت أهون لا تصد وتروح
دغات الكلب عندك أسيرة
أرحمني حبيبي بالبعد مو تي
يسفان الوكت منهو اليجيرة
ما أكدر على أفراگک يمهبوب
جميع أعضاي تتوسمها حيرة
لا تبعد بعد ما بية أغزل هم
ماي حيل دنيانا القديرة
صرت مثل المهيلة الفاگده الربان
أمانة بالبحر صوته وزئيرة
لا تاخذ حجي العذال تحجي بية
تسگيلي الكلب مزنة مريرة
أريدك شدة القداح يا قداح

تظل دومك وفيّ بصوته وبشيرة
من يوم الغبت ما تغمض العين
صاحبت الحزن ماشي أبوتيرة
أمنت الكلب عندك يبذات
تدري بالكلب أنت غديره
أنظر للكممر أنت الضوه البية
إذا عني غبت وين البصيرة

٢٥ | ١٢ | ٢٠١٣

سبلنج - أستراليا

الغريب

لا تتعجب من عصفور يهرب وأنت تقترب منه وفي يدك طعام
له ، فالطيور عكس البشر تؤمن بأن الحريه أعلى من الخبز...

غريب

وتايه والدرب مظلم وكل حرثاتي متغيره

أزامط والهوى ورياحهم غبرة

غريب أتني القطار الضيع السجة

فراگينه أصبحت عل الكاع متسمرة

أطويها المسافة وعمري ضاع أويك

أهو أمخبل زمانة شارب الحمرة

غريب وأنتظر بريح عالي أهب

ما أگدر أوجد نجمي من گمرة

خليني أحل ضيفك يبعد الروح

بيان المضيف أمقفلة ومسكرة
 تاليها الوكت كاصدني بالنكبات
 أهو شتريد مني حاير أبفكرة
 يفك لي بالغزل ويكلي غزلة أردود
 من يخلص تحصدة وتكطف الثمرة
 كلي أشوكت يخلص والسدى مگطوع
 أهو يفلة وأغزلة وينتهي أمره
 غريب الناس ووجوه الخلك ظلمة
 كلها أمعبسة ووجوهم تقرة
 أهى الأيام عسرة والزمان أغبر
 أواكح والعمار أيامة متعثرة
 وأبني من الرمال أحلام كرب أسهيل
 ونجوم السمة من زمان متشمرة
 أختفة نور الشمس وأنسدت البيبان
 ظلت بس عواصف نار ومجمرة

على العكاز خلاني وكت أرعن
 أبتعد حتى الأخو الدگ ألي صدره
 حتى أخوي هذا أخوي ابن أمي
 دايرلي ظهر و عيونه متحجرة
 حرت حتى المحب يلعللي بالأوراق
 وعگب ذاك التعب تدفعني للحفرة
 ولج جسر أصبحتلج عبري لتخافين
 تحط سمك أبجسمي وسيفك أتغمره
 هو ياهو اليرحم يعرف المعروف
 يدليني الدرب ويعط شذى عطرة
 ثاريتها المنية أتقوم رمشة عين
 ثلث أمتارها مترين لا شمرة
 خلصها العمر وأتعهده بالحسرات
 گضت كل السنين وگشرة هالسفرة
 أعماني الوكت ومدافع أنا أوياه

أهي ياهي الشكرة وياهي السمرة
تدري أعضاي كلها أمخزنة وتون
تعبان الفكر مثل الشرب خمرة
جازيتي التعب والسهر ليل أنهار
أصبحتي عدو تابعني بأثرة
إذا أتريد العمر بيدك ذبحته ليش
خلها أدماي تنگط گطرة گطرة
ظل بس الجلد والعظم یرخصلك
لا تخسر چفن أرميه بالحفرة
رديلي الفضل أبحفنة من أتراب
غمگولة الگبر بس لا یر ذكرة
جازيت التعب يا نشمي کلش زين
عساها أبحتک أنت ألي أحفرت کبرة

البصير

قبل أن ترسم ثققتك على جدار شخص معين تأكد من صلابة
الجدار لكي لا يسقط عليك في يوم من الأيام ، هل يوجد أحد
في الحياة يستحق التضحية ، ومن يكون...

الله لا ينطيك يل حبيتك
بعثني بالسوك من أشريتك
كتلي أعمه
حتى لا تعشگ بعد غيري ولف
ولا تصد عينك الغيري
وتترك أگليبي الترف
گلبك أيجب ويرف
أيطوف بأركان الصلاة
يزرع أبعينه الحبة

تدرى أنتة العشگ سالوفة ويشع
نظرته نظرة صلف
شلون باليعشگ صلف
من عميت أعيوي
گتلي أنتة بصير
ما تفييد وما تصير
لا تنقص لا تزيد
منهو أيجب الضيرير
ياهو أيدليلة دربة
يصبح العينه قرير
هيچ تاليها أصير
صعب أعيش وياك أنا
ما تصح ليه عشير
ما تفرق بين نور وليل أظلم
ليل موحش

ياهو أيگود العليل
 ألن الأعمى خليل
 آخ و عيوبي فداك
 تالي أتكلي بصير ما يصير
 شلون نخلك يالعراق
 أشلون والعشار مظلم
 والفراهيدي يدندن لحن منقوص القوافي
 لحن يسگم
 چم حمد دگ أعله گلي
 وييده مفتاح اشتياق
 ما رهم غيرك وليف
 ماتت أعله الشفة بسمة
 ماتت وتاه العناق
 أخ ليل الاشتياق
 ماتت أبليل الهموم

ماتت أبشرطة البصرة
وشرطة التسفير وأوراق المحقق
حتى باسمى ظل يدقق
أنته سعدى
شلون تنشدها السعادة وحلم وردى
شلون تمشى بالطريق
من الطويسة لسوك هندى
كلها خطواتك تعدى
ساعة السورين تبجى أتگول عندى
عندى أولاد المحلة
عندى بستات العشگ
عندى موال الرفاق
أما نست يوم العراق
التصدح أبصوت التحدى
كلها عندى

عندي الضيع هلة ضاع بدروب الرباط
يكتب الجلمة ويحطها أبلا نقاط
عندي مفتاح العيون الما تشوف
لا يحب ولا يعوف
ناسي كل صومة وصلاتة
صار حجي أجمجانة
ما هو شايف بيت الله
ما لا رجلين التطوف
عندي مفتاح العيون
گلب أعمة وما يشوف
أسأل البصرة الحبيبة
ألتعرف أصبيها العطوف
ماني أعمى ولا بصير
بس عرفتج بالخيانة والغدر
البصير المات گلبه

البصير العاف حبه
البصير الضاع بدروب المحطة
تايه وما يدري زرعة
مدري عنبر مدري حنطة
الله لا ينطيك حسبالك عميت
أنته يا أعمى الكلب عيش يا غدار عمرك
ما وفيت
ما عميت ... ما عميت

٢٠١٢\٥\٢

سيدنيج - أستراليا

ما حچينا

هل في وسعي أن أختار قدرتي ، حياتي ، أحلامي... لا أريد أن
أستجدي لحظات عمري من شخص ما... لن أمدح جلادي...
لا أريد أن أختار أحلاماً لا تتحقق ، أكره الفشل والخذاع...

أبتدينا

وكتلي أحبك

وألتقت أشفافنا وبطل حجينا

ما حچينا

البلابل غردت شدت أدينا

غنت الچانون حبنا

غنوة أشجان وحنينة

أبتسم الناي هلهل

ناسي دمعاته الحزينة

الحمام الطار عالى
وجه يمينة
صار محبس بين أدينا
غال عشي حاضر ألكم
طار عالى
صار غيمة من الفرح تمطر علينا
وفاح ورد الرازقي
البنفسج صاح للجوري يغني ما درينا
الشمس زعلت وصاحت ما أغيب
ما أغيب
شمرت ذرعانها تونة أجينا
الگمر صاح أبدلال الله أكبر أبتلينا
أنطفه نوره گام يرگص
رگصت الموت اللعينة
النجم شنهو النجم

يئغب أبجره وألم
أحنا أنتهينا
أنعكدت النظرات بين أوجهنا
مدري نضحك مدري نبجي
حضرت العبرة وبجينا
كام شلال العتب
زخة مطر
طبت محب
أمشكن بغربة أسنينه
كلشي كتله
أبصمت كتله
ما دريت الواشي والنمام فرحوا
من بعدنا وضيعينا
ضيعتني وضيعيتك
أبعيد بالغربة مشينا

گتله الأيام تغدر
الزمن سيفه بيمننا
يحرگ الأخصر ويابس
أمدلغم أبموزر يجينا
ذيب ومكشر أنيابة
يصيح عد عيناك وينة
ما بقت چفة شرايع
مات ربان السفينة
الشراع أصبح يتيم
أخرس أمضيع ونية
الروج عالي
أبلايا رحمة
نسمع ألمانا السجينة
الوداع الوداع
شنهو حصلنا اشجينة

محفر التوقيف بالبصرة القديمة
بشرطة التسفير أيام تينة
القطار القادنا صوب الرمادي
أيصيح ها خوتي أنسينا
أحنا وردات الحدايق
جوري أو قداح وگرنفل حچينا
ماتت أعله الشفة بسمة
ما بقت بس القوافي
بيها ياعمة أذكرينا
مادرينا مادرينا
يبقى حبك بالكلب بيه أبتلينا

٢٠١٣\١١\٣

سيدني - أسترااليا

التهيد ستار خضير

لقد اختاروك يا ستار لأنك الجرح الكبير الراض للتسكع في
 دروب الذل والعار والخزي ، لك الخلود يا أبو مي الحبيب ...
 للحبيب الدكتور جبار ياسر الحيدر عرفتك في العمارة وأنا في
 ظلام السجن ، وكنت أخي في البصرة ، ونعم الصديق في
 بغداد... لك وللشهيد الخالد أبو مي...

بس أنتة الرهم مفتاحك الباي
 بس أنتة الطفة نيران عطاي
 أنتة ألي تظل العين تترجك
 يا دشة أمل يا وسطة أشباي
 يا دلة أوجاغ الما طفت ناره
 برحي أبسال الطيب
 غميحة أهواي أسراه

ثوبك چسوة أمعيدين
 ما راكد ولا راكد
 يچسي السلف وأحراره
 يصيح ها أخوتي وصلت أخباره
 أبص الهور هوستهم
 ولا همهم فشگ بارود أشراه
 عفية أبني أريدك دوم
 أموزر بالمراجل لحن غدارة
 أيزر العدو غارة أبأثر غارة
 يختار العدو ويضيع مشواره
 غده طشار طشارة
 بعد عيني يمئتي أنتة
 هم أتلوح الأبخارة
 أ أمنك شيلتي وبختي
 فشگ برنو ما يخطي الطيارة

حلفتلي تطلب الثارين
 ولك ييني الوفي ييني
 ستار البطل عمك ولك ييني
 تراهو أبعاده ما رديني
 كلها أسماء جبارة
 كل واحد يگول أنا
 حقة من يگول أنا
 شذر عز وكرامة أبصدري الشارة
 صعديم الثريا وصار أقماره
 عين الشعب أنواره
 ندري الموت يا ستار
 يحصد زين أخياره
 حگها مي تفاخر بيك
 تگول أبوي خلة جسمة عبارة
 علگ بصدور خطارة

شهيد وأسمه فوگ الراس
 كلها أموزرة وتصيح هذا أنا
 ما همهم فشگ لا سيف لا دانه
 حناها أبجفة أبدمه الطاهر
 صمد معروف عنوانه
 حرگ گلب العدو أبلهب نيرانه
 بجى حتى الفشگ ويصيح ها يبنى
 لتخاف العدو لتهاب نيشانه
 أريدن طبتك بالعيد
 طب ستار يمة ولا تدگ الباب
 كلها أحاب
 طب وخل أسولفلك شهيد أتيتمم أبدمه
 سگه الأتراب
 الإرهاب كلها إرهاب
 تاليها عرفتوا إرهاب

كتلوها الطيور وقادة الأسراب
 ما ظل حوم بالربعة بعد ستار
 غدت دنياك سوده أغبار
 شنهو الصار .. لسة ما عرفتوا الصار
 يا حيف الوكت غدار
 كل يوم أيتعطب نار
 ولا چنك هذاك أنتة
 ولا چن أنجتل ستار
 ستار الوفي ستار .. ستار الأبن ستار
 ما همه سجن وسوار
 رافع راية الأحرار
 مضيفك فاتح البيان للخطر
 الدلة أمهيلة وتصيح ثار الثار
 عمت عيني عليكم وي الثريا أكبار
 فوگ ... الفوگ

ما تقبل تحط بالهامة شارة عار.. أخ العار
 أحط فوگ النفس نفسين
 أطم الروح بالتربان
 وأچفنها بصخر و حجار
 ولا بيرغ شماتة أيشيلة الحافي
 مدري أمنين أهو لافي
 كغشاش المد لفة طافي
 يظل ستار حلم أرواحنا الصافي
 ولك يمه أبد منساك .. شعبك دوم ما ينساك
 أنتة أبوسط روحي وگلي الدافي

٢٠١٣\٧\٢٥

سبديج - أسترااليا

الغربة

تمرّ الأيام وتذوي تحت ركام الزمن طفولتنا الجميلة ، ولكن
القهقري يعود بنا إلى الوراء ، إلى الماضي ، إلى الطفولة والطيبة
والمحنة... آه يا طاحونة القدر لقد انتهى العمر ونحن في
الغربة...

رديت ألج ديرت هلي
رديت يا بصرة هلي
حضنيني أبلهفة محب
وبصوت عالي هللهي
يگلي الوكت موش أهية لك
أصرخ وگولن كلها لي
رديت وهموم المدن
بجيوي مليانه ملي

دموع وقهر نوح وسهر
الغربة بيها مبتلي
صارت غصب گوة علي
يله يبصرة شملي
أدموعي نشفت والشفاه أتصيح ياهو اليشتري
وينه الرباط
النهر ناشف والوجوه أمغبرة
نتناه لو ما يمتلي
مد وجزر
صار الجزر والمد تركنا
خندگك علگم شري
دينار ما چنة أنس
ما ظن أجاه العيد يتناه من أمس
فرحة وعرس
العشار غنوة شوگ ألك

يا باسم وخالد طفولتنا ملك
كلهم هلك كلهم هلي
بس گول عونك ها بلي
نذكر أيام الطفولة والمحبة والمحنة
آخ الحسينية العزيزة
وشارع المترب همومه تنجلي
يحجي للأجيال قصة
قصته ما تنطري
مدرستنا أشحلو اسمها
مدرسة گرمة علي
أذكر أسليمان يصرخ
گولوا دار گولوا دور
ما يگول اسم المحلة والمدينة
نبقى أحنا بانتظار
أمشي مشية مستقيم ولا تدور

لا تشم ريحة بخور
أكتب... أكتب لا تحط اسم الوطن

بين السطور
وأحنا أبسدني بياسم نذكر أيام الطفولة

شلون خلص هاالعمر

شلون دارت الأسطوانة

تاه من عدنا الفجر

لسه أيام الطمامة وجسر الأحمر

والتميمية

لسه بستاتك فؤاد أتصيح بصرة

تصدح أبلحن العجر

صدگ خلص ها العمر

خلص أبلووعة وسجن

خلص أبسجن الرمادي والعمارة

قاعة خمسة قاعة ستة

مدري خالصنا أشكشر
الجناسي صارت أوراق المحقق
وشرطة البصرة التدقق
جعفر أغائي وفاضل
صاروا ألنا أصدقاء
وشرطة التسفير محراب الصلاة
تحضن أسباع وأبابة
هذا ضلعي أنكسر ذكره
رد تجبر
يمتة يتحقق مناه
ضاع ليل الانتظار
صاحت الغبشة تره صار النهار
مدري ظلمه مدري نور
ننتظر دشة حمد
بلكي ياتينا القطار

تالي طلعت سكة ماكو المحطة قفلت بيبانها
 وأحنا نحلم... نحلم أنخط الشعار
 مدري أحنا شنهو صار
 هم نطل نتني القطار
 يا قطار أيگول عونك يشيل مكسور الجناح
 تاه من عنده الصباح
 تاه لا حرثة أبطريقه
 چفه أيلايوي الرياح
 راح... راح
 راح للظلمة يدور
 خلص عمره والعظم أبداً ما لاح

٢٠١٣\٦\٩

سیدنیج - آسٹرالیا

عيد الحب

كيف يكون الحب ، كيف يأتي هنيئاً لكل العشاق ولكل من
يتغنى بالحب الحقيقي...

عيد الحب يحل بشباط وبكل عام
أنا أشما أشوفك فرحتي وعيدي
قبلني يبعد الروح بالمبسم
عت الخصر بيدك وأصعد الجيدي
لتخاف العشيرة وأهلي الظلام
ما أنساك لو حطوا جمر بيدي
فالتينا أنجتل صار دمه عيد
أهو دمي ولحمي ألج شتريدي
هذن كلهن أحطهن هم هدية عيد
الدلال يرخص روحي وچ هيدي

بس يوم أنجتل فالنتين أصبح نور
 كل لحظه الاشوفج ينزف أوريدي
 شتگولين عل أيموت بعيونج
 تفصيلي المنية أهيدة وتزودي
 حلفتج أنا أيهية نور الكون
 متشوفين نوحى ونار تنهيدي
 گاتلني السهر ما غمضت العيون
 من يوم العرفتج صرتي أوحيدي
 أهت أنطق أبأسج أظل مختار
 كل حرف الأگولة يكسر أقيودي
 من تزعل علي أتعبس الدنيا
 أظل أصفك بديه بلكي أتعودي
 فالنتين من عدموه نگط دم
 أنا الدم خلص والجسم مگصودي
 أحطن بالظرف روحى بعيد الحب

أقدمها هدية ونذر لورودي
ضمني يا حبيبي ضمة العشاگ
وأخذ بوسة العيد وطرز أخذودي
أحط العطر عله الوجنة على مودك
أصيرن لك نذر مو أنته معبودي
عيد الحب يجينا وأنشر القداح
أحطنك مسج ويعط على زنودي
خل تحجي العواذل روجي ألك فدوة
مقسومه ألك أنا أسأل أجدودي
شحلته من يجينا العيد يومية
وأغفى بين أديك وأنسة أوجدودي
تمر الثواني وأطبگ الشفتين و
أعزف عل الربابة ومطبگ وعودي
سألبس لك بيوم العيد شو گلي
كل ثوب التحبة يگعد أگعودي

من يوم العرفتك ودگ هواك الباب
 ما فد يوم عفتك صنت اليهودي
 أنت النبع صافي وأرتوي أجمية
 أغفى بالزلف وأيامنا أتعودي
 كل أربع طعش بشباط عيد الحب
 نقسم من تفارگ حتى للهودي
 شأغنيلك يمحبوبي ينور العين
 وأگل لأيام عمري رجعي أردودي
 ييهيه أجعل سنتنا أعياد ما تنعاف
 ونخط العمى بعيون حاسودي
 بيوم العيد أحلفك لا تروح أبعيد
 ما ضلي صبر كلها تره أشهودي
 آشما دارت الأيام ما أنساك
 لأن أنته حياي وشدر عنگودي
 من يشوفچ ينهض القديس من نومة

وينسه كل صلاته ويركع أسجودي
 فالنتاين يهل أمضيع أهلالة
 أنتي أهلال دايم منبع أسعودي
 كلها الناس من تلگاك تنبشر
 أنته عيد دايم ضاوي أبزودي
 من أيشوفك فالنتاين يبطل العيد
 أنته تسد محله أبكلشي وتزودي
 فالنتاين شرده ما يدخل السدي
 بكنبيرا وگف ها ذي تره أحدودي
 يدري بيك يمدلل أنتة العيد
 وأنتة بالحسن خو گدها وگدودي
 شگ الثوب يصرخ عدكم أنتم العيد
 ما جيكم بعد لو گصوا الايدي

مزنة وفاة

أكره قوتي عندما أخرج من أحب دون قصد ، أكره دموعي
حين تنزل على من لا يستحقها رغماً عني ، أكره حبي حين
يمحو كبريائي وكرامتي...

خلص وشل صبرهن ما لگيت الطيب
لا مزنة وفاة بلغاح برحيها
عشرات الوكت وحجاية الديوان
ولا أطلاطة چالي ألي يواسيها
تحش أهروش گلبي أمعاتت وي الروح
ما چني الشواطي الوجت أعليها
وشل خالص صبرهن والغدر محسوب
أسيوف الهضم غمجت مساحيها
أنقفل باب المحبة وهطلت العمدان

لا حرثة درب مأمون حاويها
 نشف ماي الصحين ونشغت الغرنوگ
 البردي تحنة بدم سواجيها
 تكول الجلعة چانت فيّ دفو أمعرسين
 الصفصاف زوگ كل أراضيهها
 أيتزامط وي رفيف الموت شهگة حيل
 ولاچن الخيانة أوجاغ ماضيها
 أتنومس بالقطار الضاع بالسچات
 العين الكوية أشراع حاديها
 لاذاك الحلم كحل جفون العين
 نست ذیچ الدموع وهان راعيها
 خلص صبر الكلب ماناسي درب الطيب
 مثل نوح الحمام العشة طبة الذيب
 ظل تايه يدگ أبجسرة عل الببيان
 جنح مكسور يتنة أيطيب

يا صبر و صبر أيوب
عساها أبحظك و بختك تطلب من أكليبي أيتوب
مفاتحي و خشل عرسي
زفة عرسي المهيوب
كلها أمگوطرة أبكتري كلها أذنوب
يا ليل المسج و الحنة و النعناع
موزر علة الدرب متعوب
ثاريها المنايا أدور
شعلنا أشموع... شعلنا أگلوب
ما همنا لهيب الصيف
ولا چلة برد حالوب
أوجوه البشر كلها الغاز
لا شمس التضوي أسهيلنا المحبوب
يا نحلة البرحي أبديرة الأجداد
عشگ شيص أمحلت

لا سعفة ولا صاعود
 هم نتناها يمة أتعود
 بلا كربة ولا صاعود
 يا بيرغ الذلة الداوي المعكود
 سبع أسنين زرع وماي
 لحظة بيوم صحتي أمكدر ومكتوب
 مو أنا الچنت مشراگ ريحة هيل
 عفتيني أبصلافة بسجة المغلوب
 يا ذل الشراع العل چتف رايات
 ما چن الذبحة أمعلگ ومصلوب
 ضاع المستحة دلال بالحرثات
 حسبالك تدوم أبجسنگ اليعقوب
 خلص وشل دمعهن ظلمت دنياي
 راواني زماي أدروب
 أشوفك تايه بخرگة هدم مسرود

كل يوم العزة منصوب
زماي وياك ونته أوياه
أنا أمعشر أيمسراي وكت أغروب
يا حيف وألف يا حيف تالية الوفة خرنوب
سيوف الهجر منك تصهل الجيلات
وي طبت الفجر منهوب
ما ريدك تمر أبطيف وبمنة
أفزن فزت المرعوب
ما ريد الخطية وچلمة التعبان
ما ريد الحچي المحسوب
خلص وشل عتبهن ما بعد ينگال
شنهي أشظل بعد معتوب

أفزر بالليل

أين أنت أيها الليل؟ أين أنت يا نهار؟... كل كلمات الدنيا لا
تملأ الفراغ حين يغيب من نحبهم ، أنا الشمعة أن أظلمت
الدنيا أسرعوا نحوي...

أفزر بالليل...

الچان أنته تفزر بالليل وتغمض عينك أشوية
حرام الليل ماغمة نصة ألحوگ تالية
تهجس بالضلع نيران جسمي أتستو أبضية
تبجي عل لكيته وراح وتسگي أفراشك أجمية
أنا مالكيته وضاع وأگول أشلون تالية
ضاع النوم مني وهام ولا وسناً يمر بية
أحلامي غدت طشار دموع وحزن يومية
يعت بيه الوكت ليوين أبجور أغماگ چالية

أشلون أغمض العينين أريد أحلم بأماضية
أفز بالليل .. أهجس نار بضلوعي
تفز بالليل وينه الليل حتى أنجومه متغيرة
وهلاله علن عاشور كل أيامه متكدره
ما أكدر أمد الأيد كل أعضاي متخدره
أمهيلة وبمهب الريح مدري وين منحدره
لا أشراع اليدليها وأهي والموج متسمرة
مامش بالعيون أدموع حتى أصبيها متحجرة
نشفت ودماي أتسيل بسكتة وتنحب العبرة
هيعونك تفز بالليل أظن ناظراً فجرة
هم أينام گلي أشلون عطشان أبوسط جزرة
صحيح الماي بيه أيحيط ياهو اليوصل الصدره
شوايخ والزلال أبعيد الماي أمصبخ وگدره
أفز بالليل...
لوم الروح تردرس حيل تشتل سگم وتسطره

تحصد والزرع أهات أطش الضيم وتكدرة
 مامش بالسمة أغيوم دنياك أصبحت غبرة
 لا مضاييف تدگ الهيل لا نشتم بعد عطرة
 وكيحة الروح ما تهجع تظل تتأمل المطرة
 أهرها وترد أبزود بالكل تغفى أبكترة
 تبني من السراب أبيوت تكلي كلمن وفكرة
 أفز بالليل...

تفز بالليل ما غمضت ترى العيون
 ملح مطشوش بيهن طشة المجنون
 أزامط بيك كل الناس وأگول وي النبض معجون
 لا قيس ألحفص عقله ولا عنتر تراهو أيخون
 كل أعضاءي جسمي تلتهب بالنار
 بس أضلوع أنتة وهم عليك أهون
 أحرگهن حيل يمدلل
 حط الموت بيهن ونشر الطاعون

والله ما أكلك ليش
كل أعضاء جسمي بخنجرك مطعون
بلكي الروح تصحى وتنوي هية أثنون

دفة ديمانة

باسم الحى ، وباسم معرفة الحى ، وباسم الوجود الأزلى الذى
سبق الماء ، وكان قبل الضوء والسنى ، ذلك الذى نطق
فكانت كلمات ، والكلمات كانت كروماً ، وكانت الحياة الأولى
سعت رافعاً عيني وذراعي الى موطن الحياة والنور والمجد...
(كنزا ربا)

هلا بالتصطبغ أبدفة ديمانه

هلا بالشرف والعفة

مندايي أصيلة نبع ريحانة

يخفضج هيبي لا تنسين مسرانا

كعدتي أمعدلة أمكابل الطريانة

أدورن أدعو ياماري

تحفظ دارتي وتكشر أيمانة

أعط باليردنة ومرددة البوثات
خلي الكلب يهجع تطفي نيرانة
أظن رافعة الجفين
لواثر أطلب أحسانه
أبد ما خون عهدي وياك
شريفة وطاهرة ما تعرف أخيانة
مندايي تراني أحفظ العهدين
عهد الدين وعهد للدوم أنسانة
حلوة المرگنة أتعلي البنيان
أتقبل أواثر عالياً شأنه
هلا بنت النهورة وشذرة الجلاب
أدم أبو الفرج يحضرنه وأخوانة
أنا برستي والزلف ينكط ماي
ياهي أندبك عيد لقيانا
هو ريحة عطر ويفوح

وفي وأخلاص صغر أيجوم نيشانة
 قد مايي أمقدسة الأسماء من آدم
 أسوثة والحلامي أيگول بلسانة
 زكوته والطبوته شنهو يمشي أويك
 لامال ولا ولد وسلطانة
 هلا بنت الطوايف علم عالي الشان
 أمدكي والكليلة تشهد أبشانة
 يظل درفش اليهيه للأبد مرفوع
 الياس أمطرزة والعفة بركانة
 بعد عيني بينت الداى
 الرسته أمعدلة والياس تيجانة
 المصبته ألچ أتلوگ
 أكليلة أمنورة الزلفين
 والتاغة جديلة توصل أردانة
 شحلات الداى لو شدولة هميانة

أحلفك بيش گتربرا
عليك أبشيت وأبادم
عليك أبدرفش اليهية
البوثات كثرها تراني اليوم حلمانه
وهييلزبوة أمنورة
شمس وتشع على المندي
على بختك يگتربرا
أصبغة وهذا ديدانه
لتگول الشمس غابت بعد ميصير
أهو وجهة شمس دايم بنيرانه
حتى الشمس تجل من يمر طرواه
تظل الشمس تبجي أمظلمة آنا
مو آنا المضوية وأعترفلچ دوم
مو آنا المضوية أنتي يفلانة

رسالة لاجئ من سيدني

يا أختي الحنونة ، يا عمري وشمسي التي لا تغيب ، باقة
زهوري التي لا تذبل ، يا أريج كل الوجود وعطر شبوي الليل
والنهار وبنفسج الربيع الدائم وقداح الغبشة تؤم نبضات
قلبي ، شذى عمري ، لا أنسى لقاءك لي في مطار سيدني
دموعك غالية ، إني محتاجك ، لم يترك لي الزمن غيرك...

ما أعاتب وما ألوم

موش هية الخوة خوة

تالي تنباع أبرخص بيرغ شماتة

ومزنة گوة

يارخص من يشتري ويسير ألي خيمة حنان

ولحن سلوة

موش هية أسوالف وي الريح

وشراع الوكت ماينطي عطوة
 موش هية أزماط أرعن بديرة الغربية
 وعطر ريحان روحي وغنوة حلوة
 لا يريحان الليالي أمعاتب أنا
 وش بقالي
 ما بقالي من العمر ساعات تسوة
 ساعات ودموعي أحطهن بين أديج
 شبعد عندي
 أمنين ألي أعيون تگوة
 أوچرت بيه الليالي
 أنا ضايع بالدروب وليلي سطوة
 آخ يا أوجاغ الألم ديرم هضم
 ما بقت بالروح خطوة
 هاي تالية الزمن وين ما وليت فهوة
 شايل أعلة أچتافي مهري

غزلى وسط الريح
ما لاجيلة تجوة
شنهي هية الروح علغم
ريحتج عنبر وجوري
گلت يمج أستريح أهجع بغفوة
فرفحت روجي أبجرتج
ياهو يسوة
يا تجية روجي وأختي الحنونة
من بعد عيناچ موتي
منهو أهوة
منهو يا أم لينا يقبل
وأنا بالسبعين ومعثر أبلوة
منهو يتقبل الشكوة
وين أبوي وعمت عيني من أذكرة
چان ألي ريش النعام

حفاية الطيين شدوة
 شكثر طيب ذهب وأكثر
 ليلو زهوة
 جبل عالي ياهو اليوصل العلوة
 أمنا خيمة ودفو الجلة
 أقوة وأقوة
 آه يل حضنچ ألي ساعات نشوة
 وين أچن أمنين ألي شاطي ومأوة
 وينة هو الكال عونك
 صاح عد عيناك نخوة
 ويذكر البصرة الحبيبة
 ديرة السياح وأللگاح
 وهيوة العشاک شدوة
 منهو يذکر لمت الأحباب جيران الخب
 أم عصام... وأبو چکچک

بيت غازي... وبيت نجوة
أي يم لنا الحبيبة
يا عطر شبوي ليلي
ريجة النسرين وأكثر جوري هوة
چنت أزامط بيچ كل أهل الكباحة
ياعضد سباح روعي
شيمتي وصبت الكهوة
يا خسارة أسيوف أهلي
صرت سالوفة أبجلگ آدم وحوة
ما ألوم ولا أعاتب
لا ربيع ولا خريف
ما هو گیظ ولا هو أشتة
هاي تالية العمر شرجي الشروة
أصبحت عل الناس بلوة
موش هية الخوة گوة

ولا هي غنوة
آه يل شوفتج منوة
آه يا أمي وبوي
آه يا أختي وخوي
آه يا عمر الخالص ما جاب طروة
آه يل روحي أَلج فدوة
روحي أَلج مليون فدوه

٢٠١٤\٤\٥

سبنج - أسترااليا

الحورية

البحر غريب رهيب لا أحب المخاطرة فيه ، الحيتان فيه ،
الموت عند سطحه ، كيف تصل النوارس الى سطحه ، كيف
تخرج الحورية منه عند الصلاة ، عند الفجر أنثر أشعاري
عطوراً للناس الطيبة...

حلو المبسم يعط من حلگه الهيل
الشامة السوداء أبجده مشدودة
ما يحتاج ورق إثبات أبجسنه
بس يوكف يباوع كلها أشهوده
حلو القامة يهز الكاع
من يمشي أبغنج مترهدن أبزودة
كلها الناس تصفن من يمر طرواه
وردية اللون أموردة أخذودة

أعجز من أوصفه بحسن حورية
 أهو يا هو اليلحكه ويوصل أجدوده
 يمكن أنا أظلمه أمقصر أبجقه
 ورد جورى وبنفسج أمأصلة أجدوده
 مظلومة الشمس من يندكر اسمه
 الكمر ويا الثريا أتلوذ بزودة
 تمشي أصفوف خلفه كلها متعجبة
 شديه البال مجتوله أباروده
 أنتة الماي بالصحراء للعطشان
 كلچ زود من أيزود صهيوده
 الوجه مجروح أبيض صنع باب الشام
 أحطن فص ملح بعيون حاسوده
 من تضحك زمرد يبرج أليلو
 يأتينا الفرغ يفتكن أقيوده
 ولچ ثامن عجبية أمنورة بالكون

حاروا بالوصف يا شاعر أيجوده
 الجيد أيتزامط شجرة الزيتون
 أمسطر شذر ياقوت عنكوده
 الصدر قمة جبل ومضوية من أبعيد
 أمبين من خياله كدها وكدوده
 الخصر كوس الكمنجة يعزف البيات
 ترد أبطور صبي الحزن مكصوده
 كصدت أرموشها أبعيها ردت أرتاح
 بستان وثمرها عالي الجودة
 من توكف ظهرها أمعير الصوين
 فارس على الشكره حافظ أعهوده
 تصهل من تغير وما يههما أسيوف
 ويعزل السلف بيبانه مسدودة
 جوكندا أبحسنها أتكعد الميتين
 وتفز الدوارس هذا مريودة

ربك كمله ما بي كل لولة
 سيد هم يشور عال أسعوده
 ما أگدر أفرزن صوتها الدافي
 من صوت البلابل عالي تغريده
 أنا من أشوفج أذرف الدمعات
 ألوذ أبحضرتج لوزة المكروده
 لتظرين ليه نصرت الشمات
 أدري بيچ قايد وأنا أجنوده
 عداي الشتة والگيظ هم أعتاض
 أهو شنهو الزرعتة وشنهو محصوده
 واليني الوکت ومرادف اللوعات
 چاتلني بصوته وعينة أتزوده
 سألت الناس شنهو رايهم بيها
 ناس الصين حارت وتاهت أهنوده

بيدر حُزن

ماذا تكتبين ، ماذا تقولين ، لقد رفعتِ راية المارقين على
 أكتافك للتباهي ، هنيئاً لك التعبير من دفاتر الإنشاء البالية
 القديمة ، كتبتِ بكلمات وأحرف الرياء والغدر والخيانة
 والخداع... الخيانة لها كل المواسم لها خمسة فصول أجدتها
 وكنتِ الأولى في كل شيء تستحقين أكثر من وسام...

أريد أنسى

أريد أنسى يدنيانا

أريد أنسى وأبيع العشك للدنيا

أبيعن هضم أحزانا

بعد ألن... ولك ألن

شراع وخذل سفانا

صفت دلة بلا كهوة

أوجاغ أو طفه نيرانا
لا مزنة ولا مطرة
ولا چلمة صدگ تطري علة ألسانه
ما أدري غريبة الناس
غريب أنا
غريبة الصحبة البعيني
غريب أمضيع أخوانه
تمت وداهماني الروح
مايبة أعت الروح
ثاري الموج واطانا
أعاتب شنهو ألي صار
بعدت ونسيت ملكانه
غدر حيك ثمر صفصاف
غافي بلهب سيقانه
حشفة أمعلگة بالشيص

جثيرة أسيوف نيشانه
مدري الدنيا خالصانه
بعد ألمن... ولك ألمن
تبقى العين سهرانه
بعد ألمن تناغي الروح
تغفى أبجزن تعبانه
بعطني وچابست العيون
أبساع أبساع تنسانه
يل حبك ألف ونة
أريد أنسى
روح أبولفك أهنة
شنهي أخلفت عندي
حزن ومچودر أبرنة
كل غزلي البنيتة وياك
هدمته وش بقى منه

چتلتني أبلحظه يا غدار
 الموت أبعيني أشوفنه
 كل ذيج السنين أبلاش
 بس ونات تصفة ألنا
 چنت نعناك الماخاب
 چنت دنياك والجنة
 چنت تصرخ أبعالي الصوت
 أذكرك ها أحبنا أحبنا
 كل ليله ألك حنة
 ألك زفة عرس بكليل أشمنة
 أحلفك شارع العشاگ
 يا كورنیش بصرتنا
 أحلفج بصرة الطيين
 چم دمعة التصب حنا
 مسچ وهيل أطشنة

أغاوي الدنيا كلها أعياد
بكل لحظة أشوفنة
أبيع العشگ للدينا
صیح أبجیل یا دلال
برخص الشوگ أبيعنا
یا من خلفت ونة
بعد ألمن
دمعي أشلون أو كفنا
أغدرتني أبلیل زرت ذيب
هذي قدرتة وفنة
چنت عمري أبلياليها
حرز كل لحظة أشيلنا
أگلہ أمدل ومهيوپ
من العين أحفظنا
عطرك بلسم النشغات

بهيدة أبهيدة تنسانه
 جروح أمرادف الطعنات
 أهو واحد وأخيطنه
 أكلك صير ألي صوباط
 أنته أدواي أعرفنه
 يا ويلاخ تالي الليل
 سيوف الغدر تجتلنه
 أجتلني ما دريت الصار
 ألف مبروك أهنا
 سبع أسنين ضاع الشوگ
 روح أبجك أهنة
 عساها أبظك وبختك أهنة أهنة

نوارس الأهل

إلى اللبيرة فائز الحيدر

اجتاحت الغربان أسوار مدني الحبيبة ، وهربت النوارس
الحبيبة ، بعيداً كان صوت البنادق أغنية الوداع لكل الناس
الطيبة ، حزنك حزني ودموعك دموعي قلوبنا بالحب تفيض
دعنا نغني للأمل يا فائز...

خلص راح العمر فائز بقينا أغراب
أحلام الليالي أمغبرة بتراب
حلم وفالة الصياد تصرخ حيل
طلع حتى السمج جذاب
ولا زرة تجي من الهور
ولا غنوة عشك تطفينا العطاب
روجات النهر صاحت بلايا أعتاب
أبو سوزي الونات حد أبجد

طگ أبطگ

یو سوزان کل ذیچ الجروح أوهام

چثیرة الغسلاهة الدم

یظل جرح الصدیچ أمورم أو ما طاب

تظل ذیچ السوالف دشت الأحباب

نطرزها أبسمانا أنجوم

وعیون الزلم تتنة حلمها الخاب

الأهوار ما ضمت أمسجة ولا خضیري أیلوح

لا چولان بیها

بس دغل وغراب

ثاریها المنايا أسراب

لا صوت الرفاگة صاح

ولا أحد یدش محراب

یفائز طشرانا الیین

الأيام ردت حیل

ردحت شایلة بیرغ شماتة وطن

من أسنين
صحنا الآه
ألن نشتكي ويگول عد عيناه
آه الآه يا ويلاه
نبجي أعله العراق الضاع
لو هم نبقي نترجاه
أهو غايب نگول أيعود
نحضر أشموعنا الملكاه
ها نتناه
شحلو ملكاه
هلهولة عرس ملكاه
ندگ بيرغ سلام ونافع وناخاه
بلكي أيجن
شحلات أسم العراق أحييب أشحلاه
أشحلاته من ييجي طرواه
تظل أعيونة أمشورحة وتشتاگ

تطري بالسلف أسوالف العشاگ
 سوزي تنتظر بشفاف ذبلانة
 تظل طول الليالي أمناطرة الصوبين
 بلکي أیلوح ملگانة
 و قملهل تراهي أبزود
 تخضر ذیچ گيعانة
 بين حيدر يفائز کلنا عد عيناک
 الأصيل أیظل عظیم الشان
 والطيبات عنوانة
 يا سيد العفة يا عزيز النفس
 یظل تموز ریجة مسج و يانة
 هو والله الرفاق أجبال
 ياهو الیوصل الشانة
 هم سامع صبح تر بان تتني ثمر بستانة
 نشم عطر الفرات أیفوح متحزمين تلگانة
 و نتذکر حزبنا أبخير والزينات تتنانة

شههم ابن العراق أبيض جراحه أبجف
 يكبت جمر أحزانه
 أشلون يخلي أمه يوم خجلانه
 ولا خله خشل أخته هدم مشرور
 وسدد باب ديوانه
 إذا حلت وصاح السيف
 يخلي الدم سواجي أتفيض فهرانا
 وحگ ضيم الشعب والناس
 وحگ خبزة شعبنا
 المالگت تنور
 تظل الناس تتنة دفگة أحصانة
 شنهي الموت يخسة الموت
 كلنا أنروح دفانة
 يظل بيدر شلنا أمعلي فوگ الفوگ
 يغني العرس نيسانة
 حتى لو طمانانة السيل

نظل أحنا السفينة وأحنا ربانة
تظل لمة زلمنا أتصيح هذا أنا
يفائز يابو سوزي خرسن الجيلات
ظل ذكرى الجبل والهور
بيجي أشلون نسيانه
وحگ الناس كل الناس
وحگ بيرغ هلي الطيبين
وحگ أعگال أبوي وشيلة أمي
يظل أذار مسرانا
يظل أذار مسرانا

٢٠١٤\١٠\١١

مشفى الراهب غرفة ٨

سيدرني - أسترااليا

تنور أمي

التاريخ لا يعيد نفسه كما يُشاع ، ولكن بعض البشر يكرّون
 غباءهم لأنهم يمنحون ثقتهم لشخص مرتين ، إننا لا نستطيع
 أن نغيرهم ، ولكن دعونا نغير العيون التي تنظر إليهم...

چيمي التنور يمة

وچري التنور يمة

لا تخبزين الخبز

حطي روجي أبدلها

چتلت أبنادم سببها

الما شفاها كل حرز

لاهي زفة عرس غبشة

منذور ألاه وخرز

لا تخبزين الخبز

أبهيدة يمة أجروحي تنزف
 لسعة التنور لسعة
 مثل ليل الغربية هندس
 عيوني ما بطلت دمعة
 أشتاق يم كلب الحنين
 حضنچ الطيب أشوسعه
 أشلون بالطايح رچیچ
 عينة تربي الماي قداح النخل
 يتني أيدة أتوش طلعة
 يتني هلهولة عمامة أتصير فزعة
 آخ ياليل الرمادي
 هم ألك ذكرى ورجعة
 أشلون بالفارگ حبیبة النكرة السلما
 يا رمز الشجاعة وزین ربعة
 أشلون تاليها يقلعه

يمة أذكريهم أبجنج
ذولة حفاى الشوارع
الوقعوا صك البراءة
واعتراف
طاحت الكطره بدناءة
هلهلوا ليلة العيد
وشخطوا العنوان الاحمر
يا وطن حر وسعيد
لبسوا الخاكي وشدوه النطاق
صاروا أزلام الزقاق
حملوا الرشاش الأرعن
يا عراق... يا عراق
ضاغت الوسعة علينا
بتنا دنيا أبلا اشتياق
من أذكر التنور يمة

أتشوغ روحي
 أحلم أبليلة الزفة
 صبحت ذيج الليالي حيل كلفة
 كلفة منچ
 كلفة من الناس
 العشغت أدروب المنايا
 تحزن أيام الربيع
 ليلهم هندس ويصفر
 أتگول صدفة
 هذا ليلك يا ربيع
 وسفة وسفة
 نحلم أبليل الفخايتي
 أتغني بأطراف السعف
 لحن بصراوي وغزف
 خلي ناره أتصيح محنة

زفه أبوسط السلف
چيمى التنور يمة
خل لهيبه أيصير عالى
حيل عالى بلكى يوعه
أنتظر يرحم أبجالي
يذكر أيام وليالي
يوم چنت أوسادة لية
يوم گلى أعله الشريعة لا تبالي
النهر موش الأعرفه
صار موحش ماله چالي
مرت الموجة علينا
أتسوم غالي
تحصد اليابس والأخضر
وش بقالي
ضاعت أدروب المحبة والمحنة

من جنوبي من شمالي
صاحت أتنادي العواصف
بلكي أيموت العشگ
ينقفل باب المحنة أغير رجعة
ومحد أيدكره ويدگ
أرد أذب مفتاح گلي بالبحر
كافي لوعات وقهر
كافي لوعات وسهر
كافي... كافي

٢٠١٤\٩\١٢

مشفى الراهب غرفة ٨

سيدرني - أسترااليا

تستحين

بعد كل الذي عملتيه معي تقولين أستحي، يا رخص المستحة،
أعملي أي شئ يحلو لكي ، لن تتركي أي شئ ولا تستحين ، أنتي
الغدر والضياع والسيف...

تستحين

أمنين أجة المستحة يل تجذبين

أمنين أجة المستحة

ودمي حنة بالچفوف

وصوتي موال حزين

دلال وتصيحين بية بالدروب

أبلا ثمن تتوسلين

صرت فرجة للشماتة

عينچ الصلقة نست ذاك الحنين

يا خسارة روجي الچانت تگابح
چانت تزامط
أشلون هسة تستحين
يقنت علم اليقين
أتمثلين... أتمثلين
ماتت أهروش المحبة
والحنة من سنين
صار بس الحزن زادة
عاش با لعالم حزين
يا وكاحة عينج الصلفة أشگبها
كله هذا وتستحين... تتنومسين
من عرفتي الريل ما عنده محطة يوچي بيها
وسيفج اليطبر جنين
أمنيقي الغيم يينخل بالمطر
الطريق أصبح أمين

شمريتي أذراعج الچانت مخدي
هدميتي بيت حينا
وتصرخين... أشترخصين
رحتي والأيام تشهد
واگفه أبصف المصابب
أنا تايه ليل ظلمة أبلا معين
أعيوني طش العمة بيها
حسرتي أنغطي الجبين
شراع يمشي أبلا بحر
الروج يصعد مدري ينزل
القرار أأحاف ألية
بيمن أنا أستعين
بليل يندهني الوكت
أيگلي نايم
أشلون عينك غمضت

وأنتة السجين
 أگعد أشتاگيت لدموعك
 حسرتك ما شفتها صار حين
 گلي چا شنهو المحبة والعشگ
 والاشتياق
 لعبه لو مزنة ونين
 شنهي صوت أبلارنين
 ما دريتي أنا نسمة گيظ
 أمضيع ومنهو المعين
 أنتة والشامت عليه
 دردي أخرس والوكت
 يا جمالة ويا حسين
 وداعت أسنين ألي تاهت
 مني عندچ
 شربت القداح برحي وطلع زين

وتستحين
ماتكلي أنتة وين
كلي هوہ المستحة يجيبي گوة
هو سلوة
هو گطرة ماي للعطشان حلوة
يا حلانة أيسير للحلوات منوة
من أقيمه ذهب صافي
ألعيبي لا ياقوت
ليلو هوة هوة
كلشي يسوة
تدرين يا وجه الغباجة
گطرة الماي ألي طاحت
والله منج ماهي سهوة
أدموعج السالن أبيتي
أنا أفرش مهجتي

أروه... أروه
 جنت شيخ أديرتي
 بيرغ الحب والشهامة بيها تگوة
 خلي تنورچ لهيئة عالي عالي
 خلي عطا به وسعيره أيصير غنوة
 أيسير نخوة
 مدري حيطانچ گصب
 چولان بردي لا لاه ساس
 لا مضيف وماكو گهوة
 ليله وحدة أصبحت صوبا ط أرعن
 هو خيمة هو صهوة
 يا خسارة روجي الوچت
 على أدروب الهضم
 ضيعت مفتاحها من غير شكوى
 وتستحين هم تستحين

أنى حرثة مستحة مزروعة طين
أنى بيت الچذب دومچ تغدرين
تستحين... أستستحين

أغنية للطرشان

للمشمس شروق آخر ربما غداً ، ربما النجمة صارت قمراً ، أنت
 الأمل عشقناك منذ الطفولة يا عشقنا الأبدى ، لقد انتحرت
 أحلامي في اليقظة والمنام ، لقد أصبح العالم ضحكة ، حوار ،
 عتاب... وربما أغنية للطرشان...

ألمن أكتب

ألمن أعتب

وأنا ليلي ليل ظلمة

أنظر الثلجك وگولن يا سهر

يا سهر ذيچ الليالي الصارت الغبشة أبدهر

أبحرت بينا الطرايد التغني

أهور وبماي النهر

وتتني سالوفة عشگنا

الضاعت أبمزنة مطر
عاشت أبغيض و كدر
صاحت الدنيا علينا
وينكم... چا وينكم
وين ذاك العنديل
اليعرف أيحوش الشمر
برحي وبريم أبعثگنا
لا هو زهدي
ولا چسب مثل الحجر
چان نخلي عالي عالي
چان سالوفة عمر
چنت أشوفة جبل عالي
وما لا حرثة التنهمر
من عشكتگ يا عضد چلاب بيتي
مدري بيك أتغشني وتبيع الكمر

چنت أزامط بيك كل أهل المحلة
البصرة كلها
الطويسة والجزائر والمغايز
أنتة سيد هل البشر
چنت أزامط بيك روحي
عيوبي گوسك
صار شرياني وتر
أغلى وأغلى
شنهي آوصفك شوصفك
من الشكر من السمر
من شراييني أو وريدي
من أگليبي مدري أنتة أبا كتر
رحت أحشم هوة... هوة
أنتة أنتة ليل أنته
نتني نجمات الفجر

وننتظر... أشنتنظر
أمينين يا تينا الصبر
المن أكتب
للطيور التاهت أبغصة وألم
تاهت ومن غير رجعة
لا ولا حتى أبحلم
شلون دنيا
أشلون عالم
يمتة يخلص هل الظلم
المن أكتب
للبلابل الودعت تغريدها
تعيش لحظات السغم
موت وهضم
المن أكتب
للشجر للبحر

أبشجرة الصفصاف نتية الثمر
عفية روجي أشكتر صلفة
عفية روجي أشكد صبرتي
وشحمتي
أمنگشة أجروح وأثر
أمنگشة بحنة حبايب
أتسولف أبظلم الحبايب
برنو أغبر بس يهلهل للطلاب
دشته كلها طلاب
ضاع من عدنا أملنا
يا أمل نتية خايب
أشلون بالوجه على السبعين
مدري حاضر مدري غايب
آخ يل معدنك غالي
الماس وأغلة من الذهب

ما دريت الروح ترخص
أتعوفني وسط الدرب
شلون بالضيع اللمة
صارت الغربة عليّة
أسيوف تجدح للحرب
أشلون وأنا أبسدي ضايح
وتدري سيدي... أتعرف سيدي
نار تنور وخطب
يگودني أعمة گلب
آخ يا أشراع الشماتة
ألما يغطي لحظة من لهفة محب
وش تنتظر... وش تنتظر
كلها عتباتك زعل
هدمة ثوب الحزن الأسود
أیغني موال الشماتة بلا طرب

وما كسب
فات وكت البرحي وأبريمة أنغصب
عاش دايح... ضاع دايح
ما كسب وما كسب
يا مناحة روعي كافي
كافي كافي من التعب

٢٠١٣\١٢\٦

سيدرني - أستراليا

أم الشهيد

الموت موت... والشهادة زينة الخلود ، خذي حزني وعمري
وأملِي وأنثريه أريج على أرصفة التضحية والوفاء بخور ليوم
النصر ، نعم مهر الحرية غالي ، لا تحزني يا أمي غني للشهادة
التي تليق بالرجال الرجال لقد أوفينا العهد فنحن الأوفياء...

حگها أم الشهيد أتشيل بيرغ عز
أهي أم الوفة وتريد الأبخارة
حگها وبالوطن نجمات من عدها
كل نجمة شهيد أغيوم مطارة
شدوها البيارغ للسمه أمعليات
كل أجسامهم للكاع نواره
زلم فاجت أبجور الموت ما تهتم
راحت للجبل والهور ثواره

يعطر شيلة أمة بهيل الحديثات
 وجرغدها الحبر صوباط خطارة
 أتنومس والرمح مرفوع للهامات
 إذا رادوا أسيوف أنصير بتارة
 إذا هبت عواصف والعغال أنداس
 نخط أجسامنا أبلادم عبارة
 أعميها العيون ألي تصب أدموع
 أكحلها بحرزل للجايب أخبارة
 إذا قلقت الروح وما أجة الخطاب
 نطل ننتة الحصاد أمولة الچارة
 ذهب تيزاب أبني يستحي الميزان
 شيقدر الثمن احتارت أفكاره
 شهيد وعتبته بيرغ يشيل الراس
 چيلات التفگ تبجي ومختارة
 حگها أم الشهيد أتشيل بيرغ ثار

لأن جرح الشماتة أمعطب أبناره
أنا أم الشهيد وحكي أرفع راس
خلها أهب عواصف نار جبارة
شهير ومن أگول أوليدي يخسة الموت
ماهمة الفشگ وسيوف غدارة
بشير ونافع وستارها جبار
مصطاف وسعيد أصگور طيارة
كل أسمائهم نجمات عالي أنجوم
معطرين العراق وسجل أحراره
أيتسابگ للشهادة وما يهमे الموت
ويعطب الجرح لو سولف أسراره
عمد بيتي جبال وما تهنهم ريح
خل تمطر فشگ والدان مطارة
هذولة أهمة زلم ومواكح وي البين
يحضنها المنية أتراب وحجارة

شباب الزين ضحت والنعم نعمين
 والله أنجوم تضوي بيهم الدارة
 يظل جلادهم تاريخه موت ودم
 من تطري القصص أسياد أشراره
 أنا أم الشهيد ألي رضعته أخلاص
 سگيته من المهدي وخضرت أشجاره
 نعم أم الشهيد وما أطخ الراس
 هذا ابني الشهيد ألما غلگ داره
 ما ضم راس من خيم ظلام أشباط
 خلاها ألفشگ زخات هطارة
 نعم أم الشهيد وشيلتي بيضة
 يظل اسمه علم ومطرز الشارة

انتظرتك

لقد انتظرتك زمناً و زمناً ، لم ندري هل بعناك أم بعتنا ، نعم
بعتنا لمدن الغربية... غريباً حتى القبور لها ثمن فكيف بالذي
لا يملك الثمن ، الموت غالي ما قيمة الحياة إذن أكتب كلماتي
على صفحات الغيوم عسى أن ينزل المطر ، هل المطر بداية أم
نهاية ، لم أسامح نفسي فقد أهديت عمري للسراب...

يا خسارة أيام عمري الوجدت أبليل الظلام

ما غمض جفني أبسلام

تاه منه الشوگ ما يعرف سوا ليف الغرام

لا يطير

لا يغني ويا الحمام

انتظرتك

أتسلهم ويا الروح من تدنة المنية

تگابح وياي المنام
 چنت أريدك بيرغ أمطرز شهامة
 الشهامة أتلوگ للمدلول وولاد العمام
 حتى لو ينكسر ضلعي تصبح الغربة حياتي
 أحياتي... وأجماتي
 ما أريدن شدت أحزام الرعونة
 تنتظر موت الكمر
 تگطف الصفصاف وتصيح ثمر
 وتنتظر
 اليمتة أحنة ننتظر
 مزنة سراب... أبلا غيوم
 أبلا مطر
 أرد أسولف
 صارت الدنيا محطات وسفر
 هندس أمخيم علينا

والتفك غافي أبكدر
هوه هذه الي نعرفة
أو قريناه أبفجر
أصله من طين وحجر
رسة وصلة من الغدر
أشحلوة صيحات البدر
خلي أعاتب
نجمة الغبشة وضواها
وجاغ كهوة
أرد أعاتب دشت الديوان
دلات المضيف
شلون بعث المستحة
وأنته تجيتي خلي أشوفك بالحلم
أعيونه تربي أعلى البيان وزفتة
يا عين أعمي وما صحيتي

خويه خلي العممة أبعيني
 ولا هضمتي
 لا خبز تنمور أمي
 سايل الحنطة أشتريتي
 يا هب تنور أوجر
 گلبي وحنة حطب
 جيت أعاتب طلع البريم وأكلة
 الشيص ياعيني رطب
 العروسة أتريد محلب
 حتى سالي السعف ينحب
 يا حسافة روعي بشتگها الوکت
 أشلون تلعب
 تلعب أخريزه وتطم الروح
 بتراب المحلة الشال غربة
 وينه اليفتح مضيفة

زارته طببت أمعزب
الشيص تاليها رطب
أنا بالسبعين خوية
منهو أليسوة العتب
شطول خلگك يا نخلنا
آه يا زهوة بصرتي
أه يا نخله الديرة
ما أضن طلعلج كرب
طعم العذبي وزالال الماي غضب
كلها أخوتي وچلمة الخوية تردني
يصرخ الدلال خلة لا تعة
لا تذكره بساع يغضب
ما أريد البس هدم
أمفصل أجمنة أو وصاية
تدري ماي الفضلة صعبة

أنصير سالوفة أحچاية
ألف غمچ ولچ روجي
أطيح من چفچ الراية
ألف حيف وألف وسفة
أطيح من أيدچ الراية
ما حسبنا أحساب لعبة
لا بداية ولا نهاية

خلها سكتة

آخ يا طرشان الزمان والمكان ، لقد أتعبنا قطار اللوم والعتاب
وضاعت محطات السفر ، إننا نواعير دروب الغربية وأرقام
منظمة اللجوء ، متنا ونحن أحياء...

سكتة سكتة خلها سكتة

دمعة سكتة عشكة سكتة

موتة سكتة حجية سكتة

عشكة تايه ما عرف چا شنهو قصته

لا حلم وجة أبحرثة

ما هو داري وين وكتة

ليله هندس ليلة ظلمة

محمد أبوگف دمعه

هييتة ومرعز زبونة

والكليدون أعباةة كلها سكتة
 هرفي الليالي باكتة
 لا فناجين أيمضيفه لا و جاغ الدلته
 لا ولا فرشت عباته
 حلوة مرة أشلون ضگته
 أشلون عفتة ضاع عمره
 خلص عمره... نار جهرة
 مرة عثرات الوكت
 غاد وبسجن الرمادي
 أبنكرة السلمان صيف
 بالعمارة گضة وكته
 ياما جبل الموت أگلادة أوشم طرز رگبته
 ياما ترچية المنايا
 ناغت و غنت أبنزفته
 وياما ياما

وبعد أعدهن ياما خلصن
صار ملج الموت حصته
خلها سكتة
أنا ساكت أجروحي تحچي .. أجروحي تشكي
أشلون بجروح الولف التحچي وننة
حتى دمي وشل بيها
تنتظر زفتة ودشته
ما رهم مخيط عليها
لا وشيعة شوگ تتراقص أبشفتة
عشرة أبدرب المحبة
آه صومي يا صلاتي
حجتي يوم العشگنة
أنتظرته ... أنتظرته
الريح تنشد خلها سكتة
المطر أیصیح سكته

الماي ينشد... خلها سكتة
 الناس تسأل كلها تسأل
 يا دواليب الحزن غصبن لفتني
 شنهو أذكر ، وش بقالي
 شنهو عفتة
 الريح تسألني ولك وين المحبة
 وين زرع ألي زرعتة
 ليمنته تبقى أتسامر
 الحراثات ما لاكي عتبتة
 يمته... يمته
 يمته نجم أسهيل هلهولة عشگنا
 يعني موال العزفتة
 يمته نجم الغبشة هلهوله عرس
 لمة زلم بيرغ رفعتة
 المضاييف تفتح البيان

والدلة سوايف الاهل
طيبة كهوتة
أحاه مزنة شوگ گلبى
منهو أيطفى جمرته
يا حسرته... يا حسرته
الهور دلوعة عشگنا
المای والناعور
عهدك دوم صننته
المدة عوذة هجر أسود
البعء سالوفة صعبة ما عرفته
الجزر خشل النوايب ما حفصته
الخورة والسياب حرثات العشگ
بستت الهیوة لحن بصري نشدته
تگدر أتغطي الشمس وتبوگ سكتة
تگدر أتطفي الگمر وتصیح نلتة

تگدر أتطگ النجم بچيلة تفگتة
 يا خسارة روجي غازلها الوکت
 عمري خسرتة
 يا خسارة أعيوني راحت
 والبيابي ماي أسود خو کسبتة
 ويلي منج...ويلي مني ...
 آخ من دهري الکسريني
 أنا مافد يوم خنتة
 عود من تالي العمرشيب وهضم
 أنتظر شوکة وهفتة ، خلها سکت ، خلها سکتة

انتتهيتك

أشتاق للدفاء ، أشتاق للحنان ، أبحر إلى شواطئ الطيبة ، لا
تتوقع من الصفصاف الثمر ، حاول أن تعرف الأشياء حتى لا
يصدملك المستقبل...

اشتتهيتك

أدري يجيب بلاك الدنيا مرة
أنا عايش بالدروب وروحي كدرة
أدري هذا العمة أبعيني
وأدري بيك أنتة التكدرة
من زمان الروح عندك
ما رهم غيرك عليها
والكلب منهو اليصرة
تدري هو العمر واحد

موش عميرين وأگولن خل يولي
 سلميتك بيدي أمرة
 مدري أنا مدري أنتة
 مدري حي مدري ميت
 مدري أبنادم اليحفر بيده گبرة
 الشماتة والملامة فوگ قهرة
 منهو أيهل التراب
 وهو يتوسد الحفرة
 ما بقى حفنة عمر يصرخ علي
 شنهو يتنطر بعد
 چودرن أيام گشرة
 أنتظرتك بلكي تصحة
 بلكي أغيومك قهل فد يوم مطرة
 تبخل أبمزنة مطرعل سلمك مفتاح عمرة
 أشتهيتك

أشتهيتك يا صبي العين وأكثر
أكثر من أعيوبي أنتة
أنته شرباني وكبرتي
أنته تحضري أبحياتي وبماتي
أنتة يا حبي الأكبر
بس أطيح أنشوغ روحي
وأبقى أنتظر چلمتك
بس تگلي أسم الجلالة
اسم الله عندك
صاحي أنا موش مخطر
بس أشمن ريجتك
هيل أصلي جوري نسرين وتسطر
ما ردتني... ها عفتني
بديرة الغربة أتركتني
لأني طاير لاني حاط

أبسدي تاليها الوداع
 بلهفة أنا
 لهفة المفطوم لأمة
 المارضع يوم أبصدرها
 ما هو متوسد حضنها
 أشلون محلها يشمة
 شلون يگرب
 ياهو يمة
 تايه وضيع أللمة
 ضاع أبوه ضاع عمه
 تاه من كل الحبايب
 ما عرف چا وين زلمة
 تايه أبصحراء ومضيع طريقي
 شمريت جودي
 گلت أنتة ألماي أليّة

تضحك أتشجع الليالي
تبخل أبجلمة خطية
أشتهيتك بليل ظلمة
أشتهيتك بليل غربة
تدري ليل الغربة صعبة
شلون تكضي وي اليحب
تايه أوسط الدرب
تايه أمضيع زمانة
كلها أيامه تعب
ما غفت لحظة أعيونة
موجرة نار و حطب
والكلب
والكلب ضيع عتبتة
مدري وين ومنهو اليسوة العتب
أشتهيتك أتصير الي حلم الليالي

أمنين يغمض لي جفن وين الوسن
وك صار لي ميت دهر
وش بقالي
ما أريد أترجي رحمة
ولا أريد أسمع خطية
ولك أتركني يخايب أنا والميت سويا

٢٠١٣\٩\٢٠

سيدرني - أستراليا

السراب

للحياة ، للحصاد ، للمطر، لدفء طبول الأمل للغبشة التي
طال انتظارها ، متى يأتي الربيع ، متى تأتي يا ربيع القوافي
والحروف، لقد أتعبنا صمت المقابر ولغة أسواق والثثرة
وعناوين الإنشاء...

وينكم

چاوينكم

يلي جنتوا أزماط أبوي

أحزام أبوي

المابطل يوميلكم

مستحيتوا شكثر غشمة أوجهكم

چنتو للسجة محطات وسفر

كل بيارغنا علت بچفوفكم

ما رخص مايك يا دجلة
 ولا الفرات أنباع سره
 دووم موزر كم علك بصدوركم
 دووم أمي أتگول أخوتك
 جنجل أبشذرة وجرس
 والتمايم طرزت منشوركم
 آه يا ضيم الحنة
 الماعرف درب الشمس
 تاه دايح بالحلة
 ضاعت الحرثة السلفكم
 صاح وي ليل البنفسج
 أصبحوا... أصبحوا
 حكي أگابح
 ليمنة تغفة أعيونكم
 وليمنة سيف الذيب يلمع

يجرح ويحتل وليكم
يحصد الزينين ذولة أهل العگل
الرافضة أتعيش أعله جدية
وتنتظر تدبيركم
تنتظر صيحة الحلوة
أيطش شلبها
لا أبعسكر لا أمدارس لا أبمصنع
لا ولا كلها ممنوعة عليكم
وهمة همة
يا مسج بطيوبكم
بشروا... بشروا
يا شماتت عار صاح أبليل ظلمة
وقعوا صك الدناءة
طاحت الگطرة وبجت بدروبكم
شنگول للسلمان

للنكره وقوايش الرمادي
 ولك للحلة للعمارة البقت تشكيلكم
 حتى شارعنا التحنة بدم شهيد
 أترابه هيل ومسج عنبر
 يبجي يثغب ها ولك أشمالكم
 صرتوا سالوفة الغبرة وغافية برموشكم
 لا يروحي
 الهور ما يرضة علة الغبرة
 يوج تنوركم
 الجبل بعد أعلة حالة
 ما هو كيظ ألي لفانة
 ظل علة أمتون الربع تاريخكم
 هاي برنو مهر عرسة
 هذا موزر شمع زفتة
 الفشگ مثل النجم ضاويلكم

صاح دلال العشى
وسط السلف
ها يلربع أشباط هو أشباط
حاصودة وبدة بهروشكم
المات مات... الراح راح
اليتامى والأراامل والجراح
صارت الحنة رماد الموكد ألنا
وننتظر چلمة تدك ببیانكم
لا غناوي بالحلة
ولا الهیوة أتفك حزنها
وضعنا أحنة
ما كسبنا كل شي غير أحلامكم

٢٠١٣\١٠\١٢

سیدنیج - أستراليا

أنت مثلي

أنا بين الحياة والموت ، الألم يجتاحني من كل صوب حتى
دمعي خانني ، لمأساتي ولغربتي ولفراقك ، إني أعيش على أمل
لقيامك في يوم ما ... آخ الخيانة...

أنته مثلي

مسرى للتاية

وشكبان المحبة

هضم لوعات البعد بديار غربة

نسمة أعذيبي

علة أطروش المنايا

الوجرت أهروش گلبة

يا جناجل زفة الغبشة

ولهيف الطير لو صبح أبسربة

ضاع من عنده دليله

تاه ما يرجع الدربة
أجروحه ما تعشگ الذلة
أجروحه سيف أجروحه حربة
لا قريب لا بعيد
دهمت دنياه طاعون النهاية
أتعيش غربه
وين عشگ أصباه لو دهمت ظلمه
صار قداح التفگ والمائي تربة
موش عذبه
تربة تربة
أشرخصك شط الطويسه
الناس كلها أتريد شربه
أنته مثلي
أنا من مسراي ظيم
أمگمط بلووعه و حزن

الزمن يردح علة أمتوني
 ولا چني أون
 أمعاتت النشغات وي الروح
 صدمات ومحن
 حتى عطاب الجرح بطل يحن
 المطر شح من أدية
 منهو أيگول الخطية
 خلي هاونا یرن
 وين دشات المضاييف
 سراجنا البدد الظلمة
 ننتظر أيگول چلمة
 بيرغ الربعة بکبرها
 تحچي حلمة
 أطالبة بربات أمة
 أنتة مثلي

شايل الريح أعله جتفك
مهرك أذار
ما ضيعت عرفك
المخطة والمواويل القديمة
ريلنا الماعرف ولفك
عافنا ما هاب طرفك
وي عمت عين الليالي
تايتها من غير والي
امأ منة مثلوم سيفك
ما لا تالي
أنته مثلي
طلعتي ثورة وبركان وغضب
جوع أهلنا
ذل حباينا بباب السجن تنحب
وهضم أمي وخواتي

أباب سجنك يالرمادي
خلي أترابج ينگرة
خلة يحجي أيصير ذكرة
سوط جلاد ونقوش أجروح تبجي
آخ يالسلمان أيام الربابة
ليل أظلم ربح تصفر
آخ يالضيع شبابة
أنته مثلي
أدور بيك الأسطوانة
مثل ناعور الدمع
صرخة أجروح المحقق
كل سنه أتخضر طلع
صارت الدنيا حمامة
آخ من كسر الضلع
صاحت الوادم ملامة

أنطفئ موكد عشقنا
فاضت أثمار الدمع
الربع أخ الربع
أنته من وجهك ثريا
النجوم أتصلي لأجلك
أتصيح للغبشة تعالى
تسجد أتعد الليالي
تنتظر دشة الغالي
أنته مثلي
عيونك الوسعة تضم تاريخ أسود
تشتهي أتنشره على الحلوات زفة
ماكو وسفة
ما هي كلفة
تشتهي زواكفة عروسة وثوب عفة
والگمر يضوي أبعرفة

يعني ويركص أبجفة
ديرم الحلوات منشور أيتاغب
ما هو صدفة
يرفض أحجاية العطفة
أنته من طبتك سفينة أشراع
وبحر الملامة
شوف يا سفان شوغي
هذا طوغي
ما تجل فد يوم نوغي
أنتة مثلي
أثنينا أتوضينا أدينا الصلاة
صلت النجمة ورانا
تنتظر صرخة أباة
شلهت بينا السفن
صاح درب الموت

ما ألكم حياة
أسمع الواشي يهلهل
بخنجره وسيف الطغاة
أنا أعرفك صاحبي وتظل تچيتي
چنت بالمحجر وأيام الرمادي
كلها خلصت بانفرادي
ألن أشكي حتى جلادك ينادي
خلها سنطة خلها سنطة
يا بلادي.... يا بلادي

تظن أنساك

أناديك من زمنٍ آخر لا يعرفنا ، من حلم لا يعرف الليل الليل
ستار ، عمري يتهدى للرحيل ، قطار النهاية يصرخ شوقاً وأنا
غريب عن السكة والناس، أنا تائه في زحام العالم المجهول...

بجيت وما بجيت أعليك

حزنت وما حزنت أعليك

جوري ومسح ريحة هيل

شبوي وتعط بالليل

وداع وريل

مهرة أكحيل

ومزامط تشد الحيل

ألف نجمة تضويك

نظل أنساها الياويل

تظل أنتة الحبيب أنتة
ينجم أسهيل
هلا أبلگاك
يا محلاك
يجزام الوكت أتناك
تظن أنساك
روحي أويك
سامع بالثريا أتروح
ورد واتفوح
ما ظلي حمل مطروح
يادگه برفيف الروح
ما ظنيت عني أتروح
تركنتي وحيد
بس أجروح
تظل نجمة الغبشة أمعلية وتلوح

حزن تاريخ ما يخلص
 حزن خنساء دوم الدوم
 وي غم المنايا أتجوم
 هرفي أبيوم
 حزن وينا شغ أبجرفك
 دگيت السمة نجمات
 كلها أموسدة أبچفك
 زبون أمطرز أبفضة
 حرير ولايگ أبطرفك
 ألف يا حيف
 يا حيف المنايا أدور
 دموع أبدم
 سگم علگم سم أبسم
 صهيل الخيل من تلتم
 يخنسة الموت يا ضيغم

غدار الوكت أدرية ما يرحم
بجيت أبدم
ثغبت أبهم
ثارية الفراگ أمحزم أمولم
أحن أعليك
حنين الناگة من تحلم
أحن أعليك حنين وشوگ ما ينظم
حنين الوالدة الأعظم
أحن أعليك وصيحن آه
آه آلاه... أتألم
حببي أمسرجة المهرة
بجينة والعتب ألن
على العشار... على البصرة
على أدروب الطويسة الدوم منتظرة
شنو عذرة

خلها النار لا تسأل
خلها دوم مستعرة
ألف حسرة... ألف حسرة
أدري البين حزمنا
أدريه المعير چودر أبسدنا
شنهي الموت أنتة الموت
يل المدلل
تلگيته أبحنين الصوت
فرگة وموت
يا حيف وألف يا حيف
مزنة صيف
تالية العمر يتفرهد أعله الكيف
دگلي شعندر لل لاين الرابع
يا عذر التقبله السينما مني
لو سألت على المايح

خبر شايع
گمر ضايع
دگلي شعتذر لدروب سچتنا
ربتنا حنتنا
جدايل شوگ حنتنا
زفتنا
شموع وياس زفتنا
وينك أنتة يا مدلول
كلها أتگول
يا ريجان عمري خل عتينا أيطول
خلة أيصول
خلنا أنعاتب الأيام
ليش وليش
وچم ليش التشيل أشراع
لوعة وشهگة المعلول

أهي يوم وأقول أتزول
شگول

شگول البصرتك ولمصرف الضرعان

دشة عيد أمل ويجول

سنه وستين حزن المات

هم يخلص حزن مشلول

شنهي أينول

أخبرك أصبحت مشلول

أنا المقعد المشلول

جرف و نلظ

تعالى ، كامطر على غفلة ، كاموت ، كالحب إلى القلوب
خذيى من كفى البارد ، لا تلتفتى لفضول عيني ، إلى
دهشتى ، وأهريى بي بعيداً خلف السفن الواقفات على جرف
شط العرب... النهر الصامت...

تظن سيدنى تنسينى

أنتة النور البعيني

نبض والله بشرائينى

نور ونار دفينى

أحلفك بيش دفينى

أفرح روى بدروبك

علة بختك حرت وياك

همت أويك

ألف تذكار ألك عندي

شبعد عندي

بعد عينك شسولف شنهو اليطري

حلم ورددي

حسافة ويا حسافة الروح

رفيف الروح

ونتة لوعتي وسعدي

سفن تتسابگ وي الريح

أشراع العشگ دردي

من أشوفك تضوي هلالين

تبشر شوفتك عيدي

شمس تضوي

عشگ بدوي

نbec صافي

حلات النbec من يروي

أفراگك نشف الشفتين
غزل أتناه من أسنين
تاليها حزن سديي
أعلة عاصف ريح
أيام العمر تطوي
أغنيلك ألف موال
أحطك حرز بالدلال
أخاف أعليك من الناس
أمعدل دومك أعلة البال
أنذرلك شموع وياس
خضر الياس
لا تسمع حچي العذال
أنا وياك جرف وشط
لو طال أالعمر لو طال
تچيتي ياعمد بيتي

دمع سيال
 تچيتي ومن أكلون آه
 زرت ضيم هدت مهرة وخيال
 خلاني الزمن غربال
 سبع أكتار أنزف
 ما أوجد الحال
 صرت سالوفة المكصر
 مسطر للحجي والغال
 ياخذني الحزن زخات
 خرزة أبسبحة الفوال
 ظلمة والشته والصيف
 شلون أتمر عليه أشلون
 كلها أمدلغمة وسيوفها چتال
 بالسبعين طيري أيحوم
 أجروحي قهد أجبال

ما يكفى السجن والضلع يصرخ آه
ما يكفى حچى الأندال
لا سوط الثغب بشباط والسرگال
چثيرة أهوموم أغزل والوكت
سيل ونرئز وشال
صبحت تمثال
مدريت الزمن غدار
مدريت الزمن حيال

٢٠١٥\٢\٢١

سيدرئج - أستراليا

حرثة سوالف

اختلّ الميزان وضاعت القيم وانتهت الرحلة الطويلة وأنا في
بلاد الغربة أتعايش مع السراب والخداع وأحلام مذبوحة ،
لقد اغتصبوا كل شيء ، لهم للصمت أغني...

مو گلتلي

الشمس مشراغة أبسلفنا

لازم أتسير علينا

أحنا حسابات الوكت كلها أبأدينا

الگمر ضوة تنانير المحلة

أوجرت خير ومحنة

ياس قداح أبتيدينا

نسمة أعذيبي تدگ باب المضيف

تدري دگ باب الغرب ذلة وهضيمة

يلي صد وجهه من أجينا
وداعتك ما حسيننا
أنصير نص
أنصير قصة
وتنسى أسوالف عشگنا
صرنا للجولان والغرنوگ حصه
هاي تاليها أصبحت حرثة وسوالف
للي يسوة وللي مایسوة
وكصر في البواري
أشلون بالمشلول نصه
أحاه يالعار أالفانا
وينه أخو خيته اليگصه
چنت أگلهم يا ربع عشگه محطات وسفر
عطشان أوشح المطر
وصبحت وسفه تمايمنا حچي سوالف أبغصه

أصبحت عوذة علگنا ما تشور
صرنا قصة عنتر وعبلة
وألف ليلة وليلة
هية شنهو الالف ليلة
هية هم أيام رمشة عين
للفارش شليلة
أحاه يجروحك يگلبی
أمخزنة وكلها عليلة
خزنت حتى بیاب العين
والأعمى دليلة
ولج روجي شكشر وكحة
هاي كلها أجروح تاليها قليلة
آخ یاجوري الحميلة
أمعاتت وي الروح ما تقبل ذليلة
لسة عيني أتچابس الغدار وشراع المهيلة

چنت أشوفنا كحل
أمعدل ومزيون وعيونة الكحيلة
منهو المثيلة
ياحسافة أسوالف العشاگ
والبستات والهيوة الجميلة
يا خسارة عمري وسبعيني ضاعت
أصبحت ونة ثجيلة
صرت سالوفة سلفنا
كل وكت صبح ومسية
هاي تاليها صرت راس الشليلة
كلها حيلة كلها حيلة

٢٠١٤\٩\٢٧

مشفى الراهب غرفة ٨

سيدرنيج - أسترااليا

سرور

نشفت دموعي يا زمن ، المطر لا يطفئ عطشي ، ربيع هذه
الأيام لا تثمر فيه الأشجار والأزهار سرق أريجها ، أشد الرحال
في الظلام وسط الليالي لأني أخشى رايات الشماتة ، لك يا
سرور ما أردت...

هو بيدج لو بدية ياسرور
وكحة دنيانا تدور
تحرگ اليابس والأخضر
بعين صلفة وي الليالي
أتحارب أبغدر وقصور
لا دموع أيفيد بيها
لا صبر يگدر عليها
ولا جروح التشتريها

والگمر بطل ظهور
صلفة دنيانا سرور
مثل وردات الحدائق
وحدة جوري وحدة ما بيها عطور
بجرمانا أنا تايه
صرت ناعور اليدور
آخ من ساحة الريس
آخ من نصب السيوف
جسمي چانون ويفور
ضاعت أدروب الأماي
الوطن موت وحقايب
درب أظلم للعبور
أصبحت دنيانا گشمر
عمت عين الزين بيها
أمظلمة تحفر گبور
راح يا دنيا الوفي

النشمي اليوفي الذور
 يشعل أشموع المحنة
 يغني يا ليل البنفسج
 تستمع كل الطيور
 صوت بلبل نخل عالي
 صوت كوكي
 تايهين أبگاع غبرة
 صرنا أحروف أبسطور
 ضعنا ضعنا
 بين أهات الليالي
 ودموع أفراگ الأحة
 بين أمواج البحور
 ماي عيني
 وكحة دنيانا سرور
 صارت الدنيا عگارب
 والنحبهم شط شماتة

عيونهم تجدح شرور
أهضم دلتنا الجبيرة
الأوجاع أنظفت نارة
كلي أمنين العبور
شلون كليلى يجلوة
أمنين ياتينا الصبر
چا وين أولي
أمنين يا حرثة المرور
سيفي بيدي أرد اثور
آخ من حزن العلية
أبحور سودة أبلايا سور
عمت عينك يا زمن
هاي تاليها أدور
طفح ملح الكاع بية
صار زرعي بأرض بور
وأنت تدري أكليبي فدوة

مثل شبوي المسة وعطر الزهور
 يا سرور يا سرور
 راح أوج دلال روحي
 أشعل أشموع وبخور
 بس أريد أهجع وأغمض
 أصرخ أرجع دار دور
 بس أريد أرجع لحضنچ
 شوفي هاي الروح شاغت
 والوكت سيفه يجور
 وين أولي
 ديرة الغربية تجور
 يا سرور... يا سرور
 آخ يشراع السفينة
 ماي عيني وهفتي
 أحلى من بدر البدور
 يا سرور... يا سرور

يخجل العنّاع منج
وينتفض أهل القبور
آخ يا عطر البنفسج
ريحّة القداح وأطيباب البخور
دومج أمضويهة علينا
مرة شمس ومرة نور
نورت سيدني أبصباح
وغار لكاحج يحور
كل جبال وكل بحور
كل جمال الجان عندج
دنيا.. دين.. ومزهرية
أمل دايم بالصدور
شدة الياس وعطرها
يا سرور... يا سرور

ضاع المستحة

موحشة غابات الانتظار ، وقلبي عالق بين مخالاب القدر
القاسية ، تتعلق أطيافي بالقدر وقد أتعبني المسير...

عودتني شوفتك سيف ورمح
عودتني أعيوبي ألك
صوباط حنية وفرح
وي عمت عيني وعمري الضاع مني
أبلحظة وقوس وقزح
عرس الحديثات يا سكر نبات
گتلي أصحة الدنيا ما تسوة
ترى حچي ونشمت
شفت تنور الليالي
عالي ... عالي

شفت ناس أبسجة عوجة
كلها أشباح ورفات
شفت كل شي
شفت أخضر شفت أحمر
وشلن أسنيني بصمت
والكلبدون أبعباتك
يا وسافة من الصغر الحزن فات
ياحرمة خلص عمري
مالي بالدنيا ثبات
الهضم چودر عليية
حطني كر كوشة أبعباتك
لا كلبدون أبعباتك
خلي بين أجفونك الحلوة
عطر صوم وصلاتك
خلي سبحة حرز خضرة

تحرسك تبعد و شاتك
 چنت اگلک ديرم العشاگ
 يا نجم الثريا أشحسن ذاتك
 شوفني أبلحظة سعادة شنهو فاتك
 ما شفت حنية منك
 بعت بية و شتریت
 گلبک أسود
 ما گلت أنا أشتريتک
 لا ولا حتی أبگباحة
 شفتک أهد سدی غزلي أبوکاحة
 و تنثر أبص ریح عمري
 و جهک أبلا مستحة
 ضيعت ذاتک
 أشلون ياليل الغدر شنهي صفاتک
 ليمنة تبقى يا و شيعة

أمدسمله مضيع حالاتك
من لفاك الموت گتلك لا تفز
صرت حرثة لمشتهاتك
آخ يابو وجه الأسود
كافي كافي
گول لحظة مستحة مرة أبحياتك
ها عرفتك
أنتة منى لو علىة
وي عمت عینچ يدنيا
هاي تاليت الجرة
هاي تالية العمر قشمر معزة
هاي تاليتچ يدنيا
ناصره دومچ عزة

٢٠١٤\٨\١٠

سیدنیچ - أسترااليا

من منتفى ليڤربول

نوارس الطفولة سافرت ، وقد ارتوت من شط العرب...
سافرت بلا جوازات السفر وحقائب دخلت القلوب دون
استئذان... صليت من أجل نسيانك ، صليت لك وحدك...

كله مني
أمنت بالذيب وكلت الدنيه گمره
أدري طبع الذيب يغدر
منهو أيامن بغدره
سيفه يصهل هذا ديدانه وصفاته
صلف أمره
گلت بلچي الطوش يصحة
والحشف عگيد هوري
أيخضر بمزنة مطر ما ينطي گطره
بلچي لوعات العمر بالشيب تبره

أدرى كل الناس شح الماي عدها
أتصيح للغبشة تعالي
أبزود مطره
چنت أوليلة علة أعناد الوكت
ما أخلي أعيوي تغمض تنسه فجره
ها أخوتي أحزام ظهري
ها ربع حلو المضاييف
خلنه نتنومس أبصدره
ها ربع ذيج الليالي
أتحزمت بزماط وزره
خل يصير أشما يصير
خل ظلام الدنية كلها
أيصير بچفوفي غضب وحنة خضرة
ياهاهل صوت شامت
وجه عالحيان حدرة
ساهر ت ذيج النجوم

الضوت الصوين وأربوع الوطن

راح شطره

آخ يا خاين العشرة

أشلون يدباغ العشك

تصبح أبكلي هظيمه

أنجيم التنور جمرة

أنا بالسبعين أنوي

طيتي طيبة البصرة

هاي تاليتي طريح

لآني نايم لآني گاعد

لآني ميت لآني حي

طير ومحنت أبوكرة

مثل أيوب أصبرت

ما خلص فد يوم صبره

أعيوني صبت دمع عشرة

خفت نورك وين شمعات العرس

صاح هضم أشباط چا وين أليستره
أشلون بالسود بيابي العين
وأدموعه ترف روجات عبرة
أشلون نعناع الزمن ينلوي أبكسرة
أشلون لبلاب العشگ تالي الوكت
أعيونة تعممة بحزن غربة
موملامة ولا عتاب ولا شماتة
لچن صرخة صوت چفنها الدهر
طاحت أبعثرة
أشلون چانون العتب ما يطفه جمرة
أخازر أنا وياك يل ما تسوة نظرة
كله مني هطل صوباط العمر
وشوكت أخذ العبرة

٢٠١٤\٥\٣

مشغى ليعربول الطابق الخامس غرفة ٢٧

سيدني - أستراليا

مزنة مطر

أشعر بالظلم وأني بعيد عن العالم ، لقد فقدت خطاي وأنا
أبعد عنك ، لقد فقدتك عندما لم أجد من يخرجني من حيرتي
وجنوني ، أنفجر بكاءً ولا يسعني العالم ولا يهمني أي شيء
غير أن أراك من جديد....

روحي غيمة

بس بلا مزنة مطر

تاها عمية نظر

لا جواز

لا حقيبة للسفر

مرة مطري أكلة الحبايب

الغافية بليل السهر

ليل القهر

بلكى أئخضر ثمر
أبتسم والبسمة دمة
أذكر أدموع البشر
أدرى بعونك نجوم
أتشوف لكن ما تشوف
أتغيب لكن ما تغيب
حتى نشغات الشريا
أجروحها علغم وشيب
يجى يوم وتستجيب
يصيح للدنيا تعالى
همومها شوگ الحبيب
منهو حاضر ومن يغيب
روحي خيمة
دلة وفناجين ومراجل مضایف
ردست أحدىثات لو طال البعد

أمسامرة حچي وسوالف

النجوم أتغني أتنة

الگمر صيحة العارف

والشمس ضوة الطارف

أنا أعرفك ما أخالف

ولا أسولف

لا وحگ دم الشهيد ودمة غالي

كل أسم منهم يضوي بالعلالي

ما گول أزماطكم يا ناس خالي

هم تذكرون الجرالي

لا شرع يجر سفنكم

والسفن ما أها چالي

تدري بية

سلمت مفتاح عمري ما بقالي

سلميتك أنتظر دشت الوالي

أنا بالسبعين ما ظلت توالي
ما أفرزن يا جنوبي يا شمالي
أنا أعرفك

سيف ما تجهب الظلمة
ما هي جلمة

ما تجي حتى أبجلمة

ولمة الزينين لمة

بلكي ها تصرخ أبساعة

ساعة وحدة أتزيل هممة

هممة هم الناس

من تصرخ أبظلمة

هممة هم الناس لو شدت حزمها

أتگول ولمة

ألف غمة

ألف غمة للشراع الماحمل شوغات بلمة

شلون بالضيع عبانة
وطاح منه چرغد أمة
غممة غمة
روحي طير أجناحه غبشة
أيحوم ضد الريح
خلة أشما يصير
أشما يروح أشما يجي
أشما يستدير
اتصيحلة النجمة تعال
ايلوگ ألك زفة أمير
خلها خلها أشما يصير
أعيونة جدحت بالرمادي والعمارة
تشهد السلطان أيام جثير
سنين خمسة يستجير
ينتظر ليل البشير

يتنة الصفصاف يثمر
وهو مكطوع الغدير
هية من العين تعمة
يجي يوم وتستنير
لو يظل دوامة ضرير
أيريد أعمة لو ضرير
أيريد أعمة لو ضرير

ما أحب

سأعود طفلاً عاشقاً مدلاً ومشاكساً من جديد ، أعيش
ساعات وأياماً مع شعاع الشمس سيطل علي يودعني وأنا
بنشوة الغرام ، ستنزّل دموعي أبداً تبحث عن أمان لبقية
حياتي...

لا يدنيا

هية موش أثنين هنة

لو تحب لو ما تحب

هنة لوعات العمر عثرت أسنينة

هنه صول أشباب عمري

أما عرف يوم التجية

هنة غنوات الفجر

سيف الغدر

لا ولك صوت الشماتة
بيرغة الهلهل عليه
شنهي أشظل أبأدية
من أعدهن أتشوغ روعي من التعب
من أجلبهن أتيهن
آخ يا درب ألي حنة أچفوف أدية
موت طرواه وعتب
مدري روعي وين شاهت
وين ضاعت
ماكو شاطي ولا جرف
أشلون أرجع للسرب
وطيورنا بالهور تعبت
والعشگ هلهل غصب
وطبة الزينين طبة
طبتة طبت محب

يا حريمة البردي والچولان يصرخ
يثغب أوياه الكصب
سلهمت أعيونا
أحنا كاتلنا البرد
شح الحطب
شح الرطب
صاحت الظلمة علينا
لو تحب لو ما تحب
هذا كلة أو ما نحب
اليحط جسمة جسر
وچفه نار وتلتهب
وعمره ما يوم أنحسب
هم تگلة ما تحب
بيدك أنتة يا شهم فرگت عمره نذر
چلاب ومدگگ شذر

نُجْمَةٌ وَكَمْرٌ
يا حلاها أتصيح بالغيشة
تعالوا ولك يكفيكم قهر
خلي عينك تغفى ساعة من السهر
ياما غنينا البنفسج
أبصص محطات السفر
چان گيظ وچلة چانت
چانت الظلمة تدك عمري أبخطر
أنا أتزوگ مراجل
هيل ويفوح أبعطر
حتى جيران المحلة دوم تسأل
يمتة ينطر الفجر
يمتة تنور الحبايب
يؤجر وينشر خبر
يمتة صوبايط الچبايش

يضح ياسيحيان أبشر
ويبتسم حتى الشجر
يمتة يمته
أغيومنا مزنة مطر
يا قطار العمر وجد
صدگ سبعينك الفاتت
صدگ ضاعت صدگ ضاعت
وين راحت
وأنا عايش بالصبر
شلون خلص هالكدر
يضح للحلوة تعالي
أمديرمه بديرم حمر
هدومها عنبر كلبدون و حبر
الجداييل سودة تتحدة القدر
بلا وطر

هية غصن البان تمشي أبلا حذر
تالي ما تالي جرايد
أتصير حصتنا الجرايد
نكتفي أبجرف وسطر
ألف مبروك الجريدة
وألف مبروك السطر

٢٠١٤\٣\٢٩

سيدني - أستراليا

كافي

سأطلب من الله أن يبعدي ، أن يساعدني على نسيان حبك
وشوقي إليك ، لقد احترقت في سبيلك ، سأسمع صوت الرعد
وستضيء عيني مع البرق لن أتذكر كافي...

هو وينة البعد يسوة
وتجري أدموعي عليّة
هو ياهو الكال عونك
صاح أنا أشتريه
شنهي هية الروح عطوة
تتنة دلال العشگ أيصيح شروة
لو مطر گيظ أبجذب حبك يجيه
شنهي أدموعي رخيصة
وأنذر البيرغ شماتة

روحي نسمة ريح وينة اليشترية
رحت أضمد جرحي بيدي
أجروحي تنزف دم تراهي
هم بعد تدنة أليه
هم تظل تترجة بيه
شظل بعد بالروح وأنهار المحبة
نشفت وتنشغ عليه
يا مناحة روحي الماتت على أجروفج يغربة
وأشتهت طليع برحي
وماي لگاحج يشربه
أشتهيت أعيون ما بيهن نفاق
عيون سمرات الطويسة
عيون حلوات العراق
أشتهيت أعيوني تعمة
ولا يصدن لعد غيرچ

ونتيه بدروب الفراگ
 نصير سالوفة تطري بالزقاق
 أرد أسولف خلني أسولف
 شلون بالضيع مفاتيح العمر
 تاه بدروبچ يبصرة
 ما يظن مزنة بيها ينتظر
 غيمة سراب
 عود تتذكر المطرة
 بس وليج بسج يروحي
 الراح راح
 هيدي كل الراح فدوة
 لا تگلي فرد مرة
 هم ترد وياچ ساعات العشگ
 دمعات حسرة
 هم ترد تنظر من الباعك

يرد ليك وتعذرة
هو وينة الدمع گلي
ما بعد بالعين گطرة
يا حسافة يا حسافة أو يا حسافة
روحي تنذل
أتنة طبة أمينين
من خاين العشرة
والله اسمها الروح لو وچت أبجرفك
والله اسمها الروح لو حلمت حلم بي طروة أسمك
شهو يجلوية العشگ گليلي لعة
ذولة عشاگ البواري شيص ثمة
ما أريد الروح تسكن دار غبرة
دار ما تحمل رياح الزين وبلحظه تكسرة
ما تفرزن ياهو الراكب المهرة
وياهو ياهو

ياهو سيفه الماعرف فد يوم گدرة
 ضاع بدروبيج يسديني
 سال منا الماي حدرة
 ياهو اليحجي الصدگ
 هو ياهو الصار عاشگ
 ساعة سمرة وساعة شگرة
 أيعتت الروح أجمذلة
 وأنا أشعلة العشرة
 عينة تتنة دموع عيني
 ليلى ليل الصام دهرة
 همة ما چنة العشگ
 أشتنتضرها منه نظرة
 لا يروحي لا يروحي

ليتل أحبك

لا زلت عاجزاً أن أعترف بأننا انتهينا وأن الطريق أصبح
طريقين وأن الحلم الجميل انتهى وبدأت أمني العمر تتبدد
كالسراب وأن ذكرياتنا أصبحت أطلالاً ودخاناً...

ليش أحبك

كافي كافي

أنته حطيت العمه بالعين گوة

ليش أحبك

وأنته سيفك ما بطل طعناته تگوة

ليش أحبك وأنته طفيت الوجاغ

والدلال أبلايا گهوه

وليش ليش

ومدري جم ليش أعلة بالي

كلمة هذا

تبقى ذاك أنتة العزيز بعيني سلوة
تبقى ذاك أنتة الكمر بالليل تضوة
من أذكرك تدري أيامي تصير أهواي حلوة
يلبي طعمك طعم لگاح النخل
شوفتك للعين منوة
من تجي أعلة البال أهلهل
وأدمغ الدنيا أبدلالك
الدلال أهواي يسوة
يا عمد روجي وتراه اليوم غالي
ليلو لا ألماس طروة
بلوة بلوة
أن تركزك هية بالوة
أن عشگتک هية بلوة
حابر أنا بين نسيانك

وگلبی أشلون ينسة أیصیح أهوة
 یاعثگ أبریم نخلتنا المرطب
 والسعف هلهل أبغنوة
 یا حسافة أسنین عمري الضاعت
 بدرب الطمامة وهیه نشوة
 وك حسافة الغترة طاحت
 والعگال الطاح جوة
 شيلت أمي ومحلب الجرعده
 وچلاب الشذر أیضیع فدوة
 أي كلبدون الحبة
 الغافي أبفجة عباتي
 وين أروح وين أنوي
 منهو الیسمع الشكوة
 ریلنا الضیع السجة
 والمحابس غش ذهبهن

ورشن أبورشن الشروة
 أرد أنشدج ليش يا روجي الوكيحة
 ليش أحبج
 وأنتة عينك يل گوية
 وتنتظر بلیل سطوة
 من أگلک آخ
 وك الضيم هدي
 أتصبح عطوة
 أنته والواشي عليّة
 وهم زماي
 ليش قسوة
 من أهد أبسيفي يلمع
 وسيفي سيف أيهوم ما يقبل النهوة
 منهو ألي شال سيفة
 وينخي أخوتة وكل عمامة

أيصير قدوة
خل يصيح أبعالي صوته
أيصيح صحوة
خلها سطوة
خلها بوغت حسرة النشغات ندوة
خوية كل الراح وغيوم التجي أبدون جدوة
أشلون أرعن هل الزمان
الحوم مكسور الجناح
بالسمة أطيير ططوة
أنا أگشمر روجي
وأخفي أجروحي بيدي
أنا محتاجك تجي أتكون أدوة
هو منهو أيجيب طروة
والله أگشمر روجي بيدي
بلكي أيفطنة زمانه ويمشي خطوة

بدوة بدوة
يا رخص شرطة البصرة
وشخطة أوراق المحقق
أتسير سهوة
والنشيد أشحلو شدوة
شكشر علوة
آخ من ذاك الوكت
تالي طرشان أطلعوا
محد يگل للروح تگوة
محد يهز بيرغ شجاعة
ويصيح عد عيناك تجوة
أيصيح عد عيناك نجوة

ما أريدك

أنا نخيل البصرة ، لا أنحني أبداً ، أرفع رأسي دائماً ، لأن في
داخلي ثورة من أجل الوطن وللناس الطيبة ، الذي يولد
يزحف لا يطير أبداً...

ما أريدك

ماني طالب رحمتك

يلي عشگك في بوارى

أدرى سال العممة أبعينى

أدرى كل شى بالجرالى

ما أريد أترجة منك

چلمة أتگلى خطية

من يصير أمعاتت وشوگ ومحبة

تصرخ أتگول أشعلية

شلون بالسيف الذبحني

بيدة أسكاني المنية

صار دمي حبر قلمة

دون وسطر الجلمة

هذا هممة

أيگول للوادم تعالوا

لمة لمة أشلون وأرماح الخيانة

نگشت أبضلي علامة

أنا أعرف غايته أعرف مرامه

للكبر جناز يمشي

يگول بستات أجملامه

يا سلامة يا سلامة

حتى مشية بأستقامة

يذكر أشواگة وغرامه

أيوصي الشامت يگلي

خلة ينسة
أنا تدريني حمامة
ما أريد أنكلي سامح
خلصت أنكتبت نهاية
مثل نجمة وأنطفت
أوچرت بيه الليالي
أعرفت أشلون زرعي أبگاع صبخة
الوذان أيصير صرخة
أنا أنتنطر ثمر
من السراب أتنة مطر
أكتب أحروف السطر
أدرى وجة العممة أبعيني
ضاع من عندي البصر
أدرى بالهيمه أتركتني
وين ما وچي خطر

بس رمال التذري بيها
گاع بور أبلا شجر
منهو اليقدر الحبيب
وينة اليقدر البشر
هم نذبها أعله القدر
أدري أنتة زاد أليّة
زادي وملحي ومايي
ما أريدك تلبس الأسود من أموت
أنا أحب تلبس شذر
هو هذا العم عليّة
شلون أگدر أصطبر
ما أريدك
خلة الچانون يسعر
من الصبح حتى العصر
أنتة غني يا سلام

خل أعيونك تنام
أحلام حلوة تمر عليك
أنا عايش بالظلام
ماي رايدها الخطية
فرحوا الشمام بية
من گلتلي ما أريدك
ذبوا الأسود عليه
ما أريد أسمع خطية
أمنين منك ...
أتگلي خطية

٢٠١٥ | ١٠ | ٢٠

سيدرنيج - أستراليا

نحبك يا عراق

يا عراق ، يا وطني الجريح ، نذفت معك دمًا وبكيت من
 أجلك دمَاءَ سقيت فيها ثراك ، يا حبي الدائم الكبير شوقي
 لك لا يوصف ، لقد متُّ في سبيلك مرات وغنيت مواويل
 الوفاء من أجل جيعاك وتهت ولا أملك سوى صدق الحروف،
 سأغادر العالم ، إنك كل شيء وكأن الوداع خلق من أجل
 لقائك...

هم يجي يوم ونرد

أنرد لهلنا

وما تظل حرثة درب عاثورة وتطرز زمنا

ونستحي من الطوش ما أثمر أملنا

چنت أضم وجهي أبجفي

عيني دمعات الوكت

مخني عمري من حملنا

آخ أدروب الرباط
أتروش أخوتي
كلها اهلي
موش غربه هما منا
چان أبو الأسود أخوتي
چان بيرغ عزتي
أعگال أبوي وشيلة أمي
ريجة البصرة وحزنها
أيرد أملنا
گتلي نرجع
أنشوف تالات النخل
والتمر كل التمر أبريم چنه
مأريد أدروب سدني أتشگ عباتي
وأزرع العلگم وأگولن هو منه
تدري حنة الفاو حنه

تدري صوباط العنب شكبن حزن وينوح ونه

آخ يا ريحة وطنه

چان نسمة هوى أعذيب

چان سياح الصبح وطيور أجنا

جنة جنة

جنة ريحة بصرتي

عين تربي أعلة المغايز

وعين تربي السوگ حنا

عيني تربي عل المضاييف

وعل الفناجين التغيي ألها رنه

يا عمت عين الليالي التشكي حالي

ما تسلنا

شنهي أديار الغرب أوطان هنا

هنا في من البواري

ريح وإعصار وهضم

شكبان شلنا
منهو أبردنا الوطننا
أحاه بالعايش بمنة
وين أخوتي وين أهلي
وين جيران الوكت ألمنا قننا
وين شمعات العرس
غنوة شمس
زفة أكحيلة ونغني كلنا
أنغني هيوة كاولية
أنغني بستة الما سمع خلة يسمع
غنوته ولحنة وفنا
شنهي يايوم أنتهينة
أهنا أبسدني هم يمر عيد
وگمر ويرد عمرنا
بلكي يرحمنا الوكت

وعمري بالسبعين وجة
 ما عرف بس الظلما
 ليلى بس أهوم أغزل
 سديي نار وهب خلنا
 نار صرنا

هاي تالية غزلنا
 شلون تغفه أعيونا
 وماي لگاح الوطن بيرانا
 وين دولبني الوكت
 أنسة العراق وكل حرف منا چتلنا
 أشلون نسيان العراق وهو منا وحننا منا
 أشلون نسيان العراق وهو منا وأحننا منا
 هو منا أحننا منا

الراح راح

طابت الجروح ، ولكن لا أنسى من جرحني ، قمة المأساة أن
نشفاق لمن لا يشفاق لنا ، قمة الضياع أن نكتب لمن لا يعرف
القراءة ، ونبكي على من لا يملك دموعاً ، لمن السماح للأيام
التي ضاعت... لن أسامح...

جاي من تالي ولك تطلب سماح

جاي من تالي تگلي الراح راح

خلي نبدأ من جديد

خلي حبنا أيصير غبشة لكل صباح

الراح راح

راحت الدنيا وحت أحسبها غلطة

أحسبها عشرات الوكت

أحسبها عشرات العمر

خل نستراح
 الله يا لحن الحزن
 لحن الربابة التاه
 وي أسنين عمري اخلصت أبنوح وصياح
 أتريد تندة هالجراح
 نكش أيدك كلشي عندك مستباح
 آخ وعيونك رصاصة أبلا سلاح
 جاي تطلب طيب أهلنا
 بديرة الغربية وظلام
 أمحزمة وكل شي بيها
 الراح راح حشت عمري
 حشت عثگ أبريم غربة
 وهسه أتگلي السماح
 يا مناحة دمع عيني
 يا سماح

السماح أيرد ألى أعيونى العمت
 لو يدلبنى طريقى البيه همت
 لو زمانى الخان بيّة
 صرت مجنون وهمت
 لو يردلى أيام عمري
 لو ينسبنى الهلاهل طاح طاح
 صار مكطوع الجناح
 أدري بعيونج أو كاح
 صرت ديرم زفتك
 أنغيب عصره ونواح
 راحت أعيونى وظلام الليل چلچل
 فرفحتها أعله الدروب
 وزعتها بصمت سكتة للغرب
 قسمتها أو ما عرفهم
 مو گرب

هم تردلي الأنتظار شوف حالي
هم تعوضلي سهر ذيج الليالي
الصاعث الغبشة عليها
وشكبت لوعات هجرك
وضيم فرگاك الجراي
سنين لوعات ومرار
وچنت أغلس بالمحطات البعيدة
أستحي من صوت أهلي ينشدوني
ها ولك صار النهار
يا ورد جوري وبنفسج
يا عطور الجلنار
شنهي صار
ما تگلي شنهو صار
روح أنسى
وعطب أگلييك أبنار

أردس أجرگة وشماتة
وشيل بيرغ الأنتصار
لا تفكر شنهو صار
أنتة ذاك أنتة نبع ماي وزلال
ماي دجلة والفرات
غنوة البلام من يحضن حبيبة
وصوت ناي الحضن جرحي
راح ينشد للديار
وهم ترد لي شنهو صار
الصار..... صار
شلون أسامح
شلون بالسيف الچتلي
دمي يجري وبعدة حار
ونصبت ديوان حزني
والدمع ترس أنهار

ما حوتني دروب بصرتنا ولا سجة المعقل
صرت تايه مالي دار
وفاحت الغبرة
نذبها أكلة الوكت
الصار صار
عوسرت لعبة أقدار
وك شنهو أداوي
شنهي وحدة أثنين
لا تسطري سوائف الأعتذار
ولا تظل تشرح أعدار
أسرار أسرار
روح أجرعت الصبر
وأعرفت هذا القرار

علمتني

يا من جعلت هواك قصيدة كل السنين وقافية البداية
والنهاية ، يا وردة حبي والطفولة ، يا نجمة صارت بقلبي
قمرأ لا يغيب ، يا غيمة شاردة منذ آلاف السنين ضحكة
الماضي والمستقبل ، أخبرك للشمس شروق آخر...

علمتني

شعلمتني... علمتني

سولة غبرة

علمتني من أشوفك أصعد السابع سمة

تبقى عيني أمسلهمة

تدري طب بيهن عمه

أرد أحضنك أرد أبوسك

أشما تكون الدنيا أهية

خلها دنيا أمدلهممة
علمتني سوله غبره
سولة المفطوم من أمة وفگدها
شلون ياهو ألي يردھا
علمتني النار نار
تاكل الیابس والأخضر
منهو الیگدر یصدها
والبعد تنور أوجر
أنا تايه بين سديني
ويين نيران المحبة
أدری صعبة
أمضیع وتايه أبدربة
یا نكل حمل الحملته
صار سالوفة غجر
غنوة غجر

غافى أبصفاصاف كلبة
آه يالطبعك ردى
ببرغ هضم
وش بقى من العمر ألواث كضبة
أدرى چلمة بخت كتلى
أحلفتلى
أحلفتلى بشوگ بصراوى يخاب
تدرى ياهو التعب مثلى
أشلون بدروبچ ببصرة
دبرم البرحى مسچ أعتوگ نخلى
نخلى ذاك الباقي واكف
البلم عشارى يسرى
وآنا....آنا
آنا سالوفة عمر
مره ياخذنى العشك صوباظ أهلنا

العمر خلص أبونة

تاه منا

مدري حط أيا محطة

بعين صلفة أيواكح وأيامة غلطة

علمتني الناس بيرغ

كلها ورطة

علمتني الدمعة سنطة

كتلي صفصاف الحبة ثمره طيب

مثل شبوي الحبة

وكتلي كتلي

وكل شئ كتلي

كتلي اجيلك طيف هرفي

تدري عيني ما تغمض

سلهمت صدغت حچيك

بلكي تغمض بالغلط

بلكى ياتينا الدفو
تالى كل ذىچ السنين
زرعى تاليتا سرو
گلت أغمض
أغفه آنا بحضن أمى
لحظة وحدة
الله چاوينه الذهب
هب فرگه هب عتاب وطفو
آخ ياروحي أحترگتى
يل عشگتى
هتى هتى
لنتى أول لنتى آخر
لنتى ذىچ الى صبرتى
تالى فوح الماي صرتى
أنتى يم نفس العزيزة

چنتي شانيل الورد

وين رحتي

أنتي شمعة أتور أدروب الحبة

والحبة كلها أنتي

بشري يا طلعة شمسنا

السولفت أسطور قصتي

هاي تاليها كصب بردي

تجيتي

هاي تالية العذيبي

آنا تايه ومنهو اليندل حرثتي

آنا بن شط العرب برحي نخلتي

آنا حنة الفاو

يا جيكور سولف

شعلمتي

علمتني الجرح ما ياذي الغريب

أتضمه لية أبصير حصتي
وختمت الموال بديار الغرب
هذي قصتي هذي قصت
علمتني أدور بينا الأسطوانة
هاي دنيا
يوم صاعد يوم نازل
وش لفانا
ليلنا أصبح دهر
راح من عدنا ضوانا
يا خسارة منة الغربية علينا
مدري ياهو أليّ أشرتانا
زفة الغبشة والمبشرة هلاهلها أبسمانا
علمتني ما أطيح
علمتني جرحي غافي ما يصيح
والريح يا عكد المحبة شوگ ريح

گلي يمته أستريح
شايل أعله متوني دردي
كل ظلام الليل چودر
ونته ناگوط شحيح ... وين الصحيح
آنا الصحيح ... أنته الصحيح
لو دربنا مستييح ... وين الصحيح
غمگت بية الليالي بين لوعة .. بين حسرة
آخ تاليها طريح
أنة ميعاد المحتم
المحتم آخ المحتم وكيح

هلهوله بعد الخمسين

أيتها السفينة المبحرة في غياهب السراب بلا أمل ، إنها في
سطوة اللانهاية وعاشوراء الأيام... تبحر بلا موائى ، شرعها
كلمات رنانة ليست من بوارق الضياء ، ولا تمت بصلة
للبنفسج...

إشلون ياالبصرة إنتعاب

لو أبد ضاع العتب

نغني موال الحزن

نغني هيوه^(١) إبصوت بصراوي... ولحن

صوت يصرخ من بعيد

ناي تومان^(٢) إبشجن

(١) الهيوه : نوع من الرقص الجنوبي يعتمد على العزف.

(٢) تومان : الإيقاعي من الشخصيات الفكاهية البصرية.

إنغني يِّمَّ سورين^(١) يِّمَّ جسرو..! المغايز
 بلچي إيذكرنة الزمن
 يا وكت رجعنة لأيام الطفولة
 بس أشوف أوجوه أهلنة
 القاست إهموم... ومحن
 هم بعد چلمة الخویة ترن علینة
 لو صفت دنیانة غبرة
 إمظلمه إبلیل السجن
 هم بعد یوجد رفیق ییحنْ عله أيام الكضنْ
 راحن أيام وإجنْ
 یوم چنه إنخني إدروب الخلة حنة حمرة
 نكتب... إنخط الشعار
 موش چلمات النحطهة... نار كبرة

(١) سورين : نصب لساعة قديمة تشبه ساعة بگ بن اللندنية ، في عشار
 البصرة هُدمت وإزيلت.

چانت الدنية كريسنال وذهب
وچان ديوان السلف
كلهه زلم ما باع سره إشكبر صبره
إشوسع صدره
آخ يا بصرتنه گمره... الدنية گمره
آخ درب الفيصلية^(١) آخ يالشارع الخامس
إشلون تنسه إمحبي
وآنه ألك ضحيت عمري
فرفचितه بين أوراق المحقق وسوط سري^(٢)
هاي تاليهه إهطلت من مزنة وحدة
بكل سواليف النضال... إحتار أمري
وتاه فكري

(١) الفيصلية : منطقة سكنية بناها الملك فيصل الثاني وسميت باسمه ثم غير اسمها الى محلة الجمهورية بعد ثورة ١٤ تموز عام ١٩٥٨.

(٢) سري : أحد رجال الأمن الذين كانوا يعذبون الشيوعيين ، معروف في البصرة.

صدگ ذیچ اشموعنة وبستاتنة چانت خداع
 وصدگ دمک یه الشهید ما حنة گاع
 آخ یا ویلاخ چا وین السباع
 آخ یا ویلاخ چا منهو السباع
 منهو طاح... منهو صاح
 صار بالعشار موت إبلا وداع
 آخ یا ویلاخ یا مرزوغ^(١) شنهي المستطاع
 آخ یا ویلاخ یا مرزوغ... موگتلي
 الزلم سيف وشجاع
 آخ یا نعناع... یا نعناع موگتلي يطارق
 منهو خان ومنهو باع
 ومنهو مات ومنهو ضاع
 لا... سفينة المشت بینة آخ چا وینة الشراع
 لا الحله^(٢)... ولا الرمادي لا... ولا سجن العمارة

(١) مرزوغ : عضو محلية البصره للحزب الشيوعي العراقي.

(٢) الحلة والرمادي : هما من السجون العراقية.

وإنمحه سجن القلاع^(١)
 آخ... تاليهه صفت وصلة جريدة للجياع
 إمبرك... السجل بطولة
 وباع كل شي وصاح باع
 هاي تالي المستطاع
 وي عمت عين الوكت... صدگنة بيكم
 ضحينة بستان العمر وكلشي شاع
 صرنة... صرنة تايهين
 لو إيسدي... وبالسويد مثل الرعاع
 راحت أيام الطفولة
 وضاعت أحلام العمر
 راح ي(ابراهيم عوده) كل عمرنة
 راح ي(باسم الكاصد)^(٢) كل فرحنة

(١) سجن القلاع : سجن نكرة السلطان.

(٢) إبراهيم ميزر عوده ، باسم عبد الرزاق كاصد ، من أصدقاء الطفولة ومن الشخصيات الوطنية في البصرة.

بالسجون وبالقلاع
وهاي تاليهه وسافة
نشر ونحصد ضياع
كلشي ما حصلنة منهم اليوم بس چلمة وداغ
وطاح من إوجوه ذولاكة النسونة كل قناع
هاي تاليتة النضال
بس حچي ونشرة تذاغ

تعبتني

لقد أعطيتك كل شيء ولم تعطني شيئاً ، أسكنتك قلبي
فأدميته ، وقد سقيتني الغدر ، طعنتني في الظهر ، أمضي
وحدي لا أريد أن أكلم أحداً ، النهار موحش والليل مقبرة
مؤجلة...

تعبتني

يلي گاعك بور صبخة

غنوتك گولة أبصرخة

عيونك الحن عليه

عذرك وليل التجافي

موش أنتة أمن الطويسة

ولنتة من ألومي چنک

موش من حلوات صبخة

أنا متوهم أبصيري
أنتظر منك حصاد
أنته ثاري أمحبتك شلالي طلعت
عاتبيتك
هم عباي مثل باقي الناس تسوة أنعاتبك
أطيح گطرة عرگ منك
بلكي توعة وترتبك
أعيون صلفة أمكحلة بغدر وخيانة
والصلف يبقى صلف
ماكو حرثة وياك يل خان الأمانة
تعبتني
گلت مثل باقي الناس خليني أچن
وفرشت درب العشگ وگليبي حن
صرت شمعة أبليل هندس
رحت أغنيك لحن

غنوة من أجروح گلبي
بسته من ذیچ الطفولة
أمطرزة أبجسرة وحزن
من گمت أنا أعله حیلبي
گتلك ولتخاف عونك
أنست ذیچ الدروب الضمتك
أبتدی ویاى الحیاة
بیدی أشعل شمعتك
وعرفت ویاى ما تعنى الحیاة
چنت بیدی أمسح دموعك
أزرع الطیب أبربوعك
صرت ماى الزرعك آنا
أنتة بستان ونبات
لیمته أتظل أبسبات
أشتریتك أبجیاتی ودموعی

أنتة ما تسوة العتب
 عادليتك أنا أبروحي
 موش أجمال وذهب
 سنين مرت وأنا نوختني المصايب
 كل كتر منها صعب
 وهية عندك موش أكثر من لعب
 والله ما تسوة التعب
 والله ما تسوة العتب
 ضاعت السلة أجملها
 ضاع وياها العنب
 راح من أيدي البرحي
 ما ضغت طعم الرطب
 تالي حركتني الليالي
 أبنار بركان وخطب
 كلها أيامي عواصف

ريح تصهل بالغضب
لا حنان الوجّه يمك
لا دمع صبت أعيونك
أتريد تكتلني يخايب
أنا ميت من زمان
منين أشعر بالحنان
ياهو اليمسح دموعي
يحطني أبشاطي الأمان
يا لحن شوگ ومحنه
طور صبي عل كمان
خلني أعيش بكثر هدمه
هاي تالية العمر
تعب وسهر
أنا المدلل أعيش أبغير غبشة
أحا كاتلني العطش من غير ماي

هاي تالية الوكت من غير راي

شلون هاي

تايه أبصحراء أمشي أبلايا شوف

سيفك المسموم ييرج

ناوي چتلي

تعبتي... تعبتي

٢٠١٣\١٠\١٥

سیدنی - استراليا

التهداء الأبطال

أولاد عمي الشهداء الأحياء... لك يا كريم خلف داخل... لك
يا رعد عبد الجبار خماس... للأبطال تبطل الدموع والأحزان..
شهادتكم حياة وديمومة ، أبدأ الشهادة كتاب أوراقه مفتوحة
لا تُغلق... لاتنسى سطوره ، إنكم لستم أمواتاً ؛ أنكم أبطال...

كريم أبيض رعد وشفافة ذبلانة

يغله الموت خوية بعدة ويانة

بعدنا أنغني موال العشى بصوات خجلانة

وبعدهي الكاع تصرخ حيل عطشانة

بعد كل الدروب أمسددة البيان

ومحمد بالزلم أيگول هذا آنا

وكل الناس تصفن دوم سهرانا

صدگ أمي الحنونة أسنين حزنانة

ومحمد فك حزنها وذكر أخوانه
 تحلم يوم أهى بعرسى
 تزفنى بلهفة فرحانه
 زلنا أمحزمة أبزينات
 أبهور الغموكة أسباع تلگانه
 فخليها الفشگ خيمات
 ونخلي أرواحنا شاجور
 تظل أهلهل الدانه
 بلكى تطفه نيرانه
 وتدش زفة حمد ألنا
 سرج مهرة حريبر
 أمطرز أومعروف عنوانه
 أشكتر تصبر تراهى الكاع
 الشهيد أیظل علم شامخ
 من فيض المحبة التجري بدمانه

صدگ يا خوي ضلعي أنكسر بيبانة
وصفت ذيج السولف نوح
والغربان بركانة
زلنا غلگت البيبان
أهناك أبعيد تتنانة
أتبدت گهوة الدلة
ولا طيبة تفوح بركن ديوانة
وفراگين العشگ ضاعت
نام الريل عل السجة
وفراگينة غفت وضاع نيشانة
وخشل أختي أبچف دلال
أنباع أبرخص أثمانة
تظل أعيونها تدمع
حزينة أبهضم غرگانة
نيشان العرس ينباع

وهيه أبزود نيسانة
 أختي تستحي ومتكول أنا أفلانة
 أهو اليمتة خشل أختي يظل ينباع
 أختنا بالحزن والضيم
 وأهي هلهولة بلسانه
 بعد ما صارت الزفة
 ولا غبشة تدگ الباب
 تظفي عطش جيرانه
 هم أمي بعدها أتروح
 الحنينة أمعدلة أشلون تعبانة
 صدگ ادموع أم منذر
 تنور أو يوچر لهب نيرانة
 وسلامة الحبيبة حلوة الحلوات
 نست أتغني أألانا
 غريبة الناس ما تعرف بعد معروف

وأوراق الحدايق صفر ذبلانة
 يا نبع الزلال الضاگ ملح الزاد
 حگها الناس ميگدرون نسيانة
 شرف ألنا نلوذ أبفي عتبتة
 ولهب أركانة
 أعذبيي يا غصن نعناع يا نعناع
 يا بيت القصيد أبطارف ألسانه
 يا رعد أو كريم أسم الشهيد أيلوگ
 أولاد العمام أغماگ فهرانا
 كريم أويكريم الجود هرفي أتموت
 أيزامط عل مشانق حار سجانة
 أنتة والثريا أمعلي فوگ الفوگ
 وتدري بالسفينة أتريد سفانة
 رعد جبار يا دره شذر الماس
 برجلة للشهادة أیگود دفانة

نعم نعمين هما يا عمت عيني
زلم تاج الزلم منهو اليصل شانه
هذولة أهما ذهب تيزاب ما يصدي
هم شايف ذهب أيخون خلانه
أهم أنجوم وسط أكلوبنا تزهي
يا نعم الرجال أو بيرغ أوطانه.

عتاب للسبعين

متى تهدأ الروح وغيوم السراب لا تمطر... لن أنس تعذيب
السجان الذي يحمل شارة تعترف به إنسان... لن أنس
الضلوع التي كسرت وشفيت لحالها... كيف تهدأ الروح إن
وجدت روح!...

هيدي يا روحي ولج بس إستراحي
والوفة سولة حزينة
كافي أطشن بيه بدروب المدينة
وتدري كلهة الناس گالت وش علينة
والوجوه إتبيع بية بس تعالو
ها ولك والله إبرخص من يشترينة
حتة صوت البلبل الطيب
صبح أحرص حنينة

كافي... يا روجي العتب أعمة
 وكل ساعه توج النارما يخمد حچينة
 اليبنة... بينة
 ضمي ضيمچ حتى صندوق
 العرسُ خله يچينة
 وأنتظر ساعة السورين^(١) تعلن
 رگصة الهيوه^(٢) إعلة صوت الناي
 من تومان^(٣) وينة
 صوت مهدي^(٤) إيروح
 واهيعة تطگ نوحه وينة
 يا حسافة روجي التاهت
 علة البيان بالشرجي... إلتقينة

(١) ساعة السورين : ساعة قديمة في البصرة هدمت.

(٢) هيوه : رقصة بصراوية.

(٣) تومان : فنان شعبي يعزف الناي في الشوارع.

(٤) مهدي : مجنون يطلق صرخات مميزة يعرفها أهل البصرة.

هيدي روحي وخلي كل الفات فات
 ولا تشمي الليالي السيفهه يقطع إدينة
 ماكو واحد صاح يالعشار
 يا ناس إنسيينة
 شنهى هل النومة ألفت كل الطوايف
 هوه چا هوه الشرف يوليدي وينة
 هوه گولة مستحة إبلحظة إستحينة
 لا... ولك بيني عمت عين الوكت
 الما عرف قيمة ولينة
 وصرنة سالوفة إجلگ خرگة وعجينة
 لا... ولك بيني وأگول الكاع گاعي
 وحتة ماي الهور والچولان تذكر ما نسيينة
 نذكر إعثوگ النخل
 إبريم... برحي... ردنه بس إتصبح
 هلولة عراضه إتوچي... لينة

المات أبوه... إيصيح بوية
 المات أخوه... إيصيح أخوي
 والبيارغ شيلهه لحد السمّة
 إتصيح عونّة..
 وينة... وينة
 وينة هوّه أول بيان الصاح بالغبشة
 و ذكر يومه وسنينة
 وينة هوّه هيدي يا روجي الكباحة
 أدري حقج
 وأدري هدمّ الذل ما هو علة كدج
 وأدري ذاكة المات منة
 إتلوگ إله زفة عرس... والزفة زينة
 ماكو كافي إنگول عنه إهوه شهيد
 أنخلي كل إحروف إسمه سنديانة
 وي عمت عين الوكت الما حفظ تفاگ ربعة

والوطن حنة الوطن غافي ونسانة
يا حسافة إشموع زفتك تنطفي
والياس إيجف إمجانة
هيدي يا روجي إشكتر لجمات بيچ
والگلب حتى الگلب عطب مچانة
وأصفت..... شنهو آنة
آخ يا روجي إشكتر وكحة ؟؟؟؟
بالسراب ألما لفانة
ونهدى ترجية محبة لكل شهيد
الطاح منه وصاح يا ضيم الولانة
مدري إحنة إنودعه... ودعانة
مدري هوو الشهيد
مدري إحنه من زمان الوكت موتنة وخذانة

هلي

هلي ريحة الطيبة الدائمة ، عطر الورد الذي لا ينتهي ، شعاع
الأمل الذي لا يغيب ، صوت الحنين الدافئ ، الخيمة الكبيرة
الواسعة التي صارت الزمن وبقيت خضراء يانعة بصفحة
الزمن الغابر ، أصحاب الغيرة، قواميس العطاء التي لا تنتهي ،
أعذروني لا أملك غير قافيتي ولا خير فيها إذا لم تغني لأهلي ،
ستبقى هامتي محنية لكم ولذكراكم ما حييت ، إنكم أهلي...

هلي دلة الكهوة أمعطرة باهيل
ليرات الذهب هم عين الكلادة
خميسية الأصل من أل لازج طيب
يا شيوخ العشيرة أسيوف هدادة
چالي بالسلف درة ومحبة وخير
وچوال العشيرة البيه تتنادة
هلي وعيوفهم ما غمضت أعله ألشين

سادة واليدشهم يا خذ أمرادة
طيبة أولاد چالي أمعزبين الضيف
روح أسأل عربها وأسأل أكرادة
أخيطر من يدگ الكاع تجدح نار
مكلف فارس و معروف بزنادة
خماس من يطب ديوان كلها أتگوم
هامل البخيت أسباع أولادة
فرحان السيوف ألما يردن دوم
كلها أسيوف تلمع دوم كالعادة
كل الداى تشهد والسلف والهور
زلم بيرغ عراضه گدها وگدادة
أبوي ألما يطخ الراس من تظلم
هو ريحة مسج وبخور وزيادة
جبار الورد نسرین جورى وياس
جبل شامخ يصد الريح بگدادة
عمامي والنعم أشراع ضد الريح

عد عينك كلها أسيوف صيادة
 لعبيي ذهب صافي وشذرة الجلاب
 أهو چف الصنايع أسأل أستاذة
 جاسم بالعراضة من تدگ أطبول
 سيوف أرماح تصلي أصدور أفرادة
 جابر يل مضيغ أمشرع اليبان
 گهوه والصواني آمترسة أبزادة
 عربي أبو فرج هيعون من خاواه
 ما تخفي فشگتة أتنام بفادة
 عمور الحنين ألما ترك ألالديار
 ظل بقلعنة ومعلي أمجادة
 عبود أبو يحيى شيخ نتعناه
 بس ينذر يطگ الخير ببلادة
 شيخ أشيوخ لازج کلها تتعناه
 عبود النعم بي ريحة أجدادة
 علاوي أبحياته ما يرد مظلوم

دنيا ودين كلها أشهود تقتادة
 جبار الحبيب اللاوه چف العظيم
 رزاق المحنة ألبيه تنهاده
 ناشي من يطب للدار عتبه خير
 يطش فص الملح بعيون حسادة
 جاوي أمعدل ومزيون صورة وصوت
 أبو منذر نجم يل رادته رادة
 عربي أجيوش تدمر ما يههه الموت
 قانون ورجولة أسيوف طروادة
 عسكر من يصيح أبصوت كلها أتگوم
 لا تسأل الجندي أسأل القادة
 زكي أنشد رفاقة دوخ التحقيق
 شب گلب المحقق نار حدادة
 أبو سرمد أمعدل نشمي زين أرجال
 أخو خيته شههم ما خاف جلادة
 كلها زلم خشنة أسأل التاريخ

عمامي وحوالي أشيوخ ولادة
 سالم بو هناء يا غوس يا نشاب
 من ثور الدانة شليع وطرادة
 أجواد السبع من يهد هدت حيد
 أيخلي العدو ينسه الطاء من ضادة
 حكمت الحبيب عذيبي نسمة صيف
 ما يعرف عدوه ومنهو الفادة
 صبري والنعم نعمين كلها أشهود
 يذكر كل أخوته أكبار وأحفادة
 سل شط العرب ياهو العبر مسراه
 مهيلات وسفن والروج هداة
 حنين وگلب طيب ما يضم الراس
 أبو رستم أمعدل شيخ للسادة
 أنشدوها البواخر والسفن وبحار
 ياهو الزارع الطيبات برمادة
 فرج فنان تصفن من يخط أحروف

يخلي الحجر ينطق يصيح يادادة
 تعمة العين يحيى من يمر طرواك
 يا زين الشباب وتاج أسيادة
 لايد ولك خوية ماتت الجلمات
 حتى الحرف يبجي ومحزن أنشادة
 من يوم الغبت ما تغمض العينين
 أبو أيناس درة ملوك تعدادة
 فارس والنعم فرسان مو واحد
 ابن الشيخ صبري هرفي ميعادة
 أشگ الثوب وأصرخ عل الشباب الراح
 يعمي موش فارس صدگ گصادة
 شاكريل عزيز وشمعة الديوان
 كل بغداد حزنت دورة كرادة
 مدحت وبغدر كتلوه هل أنذال
 ماتت الأبتسامة وغابت أعيادة
 رغيد ألماس يلمع عيد وهلالين

كل الشام تذكر طيبة أورادة
 رعد ما مات تشهد لاه سهول أجبال
 عرس وعيد من علكولة لشهادة
 ليث السبع عمي أبد ما نساك
 يعط هيل ومسج بتراب أجسادة
 نشوان اليموت غمها عمي الكاع
 الكبر منك يخاف وترجف أوتادة
 أمعرس بين أخوتك نعم هل أخوان
 بيرغ للعشيرة أبطال ومجادة
 رحيم أيموت غم الموت ما يرحم
 ثاريها المنايا أبزرعة حصادة
 فيصل والنهاية أمفصلة تفصال
 شنهى الحصلة وشنهى الذي فادة
 شفافي أمطبغة أرعن تراه الموت
 أيلگط بالأحبة أيريدلة أزوادة
 هلي أنتم الدهلة من يشح الماي

زلال الماي أنتم موش الأركادة
هلي يخسة اليگول الدلة بردت يوم
معاذيب السلف خطار گصادة
خميسية اللوازج والشيم عنوان
نذكرهم يهل الكمر وأعيادة
خميسية اللوازج درر يالماس
ذهب تيزاب أصلي موش البرادة
خميسية اللوازج أچوال وچويلي
سلاطين وشيوخ أعلام بغدادة

٢٠١٣\٥\٦

سيدني - أسترااليا

قطار الموت

تذوب الشموع قرباناً لكم ، ويمضي قطار العمر وأنا أهدق في
جرائم عصر التتار ومغول العراق الجدد ، كنت معكم ربما في
القاطرة الأولى وربما في الأخيرة ، لكم ولي وللتاريخ يبقى قطار
الموت وصمة عار وتذكار لمناضلي الإنترنت والفييس بوك بائعي
المبادئ أصحاب صكوك الخيانة...

أنتة من ملكاك باب
درب للمجهول وطبول النهاية
والبداية... كلها أتصلي البداية
والنهاية للنجوم الخضبت قصر النهاية
باب للمحراب
وآلاف الشباب
ألغنت بأروع نشيد
غير شوفك ما نريد

كلها عنوان الشهادة
تطمع الاسم الشهيد
هلهلت عند المحطة
چن لفاها اليوم عيد
فدوى ألك أذار كلنا
خلنا ننزف دم جديد
يا قطار الموت لا تنسى الأحبة
وتنسى وكفات الرجال
الخت الحيطان دم
تنتظر يوم المحال
ما يجي أبلحظة وحزن
صار صورة من الخيال
تبني القلعة برمال
نصلي رگعة من أجل خطوة منال
للسهول وللجبال

لنجرة السلطان و عيون الرفاق
 يا قطار الموت ماتت الابتسامة
 بين أوراق المحقق
 وبين تسفيرات شرطة
 صرختك زفة عرس
 يخبسة كل من غال أنتة سجتك موت و سجن
 چم حمد صلى أبعبتك
 أقسم بطيبة تربتك
 غزر أبروحة الملح
 چان عجان الخبزتك
 يقسم بگرسه نعمتك
 ما يخون ولا يخون
 وما يوقعها البراءة
 وينطق أحجاية أساءة
 بيك شبل الشاكرية

بيك حيد الكاظمية
بيك خالد
بي قتيبة الفاحت أطياة الزكية
كلها معروفة الهوية
أحاه غمچ يل منيا
يا صلاح الدين يا بو أفراح
ما خنت القضية
أبنقرة السلطان تاليها ضحية
أشباط يشهد
أشباط صرخة بين
لههولة حزن حطت أبابي
ما رهم غيرك زبون
عگال ومطرز شبابي
يا قطار الموت ريض أرد أسولف
أوگف وأسمع عتابي

خل أغنيك لحن شوغي وعتابي
 خل أسولفلك عذابي
 تدري تدري منهو أحنا
 أحنا شجعان القصر
 قصر النهاية
 چم بطل صلة أبتربتة
 ضحى أبزهره شبابة
 وما نطق حرثة أصحابا
 سولف التاريخ مايبه الكفاية
 أحنا أوراق المحقق
 بيضة تبجي وما درت شنهو الحجاية
 أحنا الكريمات ... دبابات
 ما خافت زلنا
 أحنا أحنا
 سجل التاريخ عنا أبتساما

وذهب أحروفه بعلامة
ليلو أمعدل كلامة
وينة ألي ناداة أمة وگلها عونچ
ينتظر فزعت عمامة
يا قطار الموت نوصل بالسلامة
نعني للريل وحمد
نگصد أم شامات ونطفي هيامة
كل زلنا من النشامة
والله أنذوب حديدك
وما نذوب
أنعلمك معني الشهامة
كل يوم أتمر قيامة
كلها ترفل بالكرامة
من وصلنا للسماوة أعيون تبچي
أعيون تضحك

كلها حيتنا أبخفاوة
عيون أهلج يالسماوة
أسيوف تجدح
أتغني تفرح وجوه طرزها الوجوم
بقاطرة الأولى الثريا
والگمر بالثاني يضيوي
بكل فراگينك نجوم
نورت حرثة المحطة
وأنجلة منها الهموم
وحضنت شمس الرفاق
لا سراب لا غيوم
شوسع صدرك يل رحوم
سجل التاريخ قصة
قصة سجلها الزمن
سنين أجت وسنين راحت

نذكر أيام المحن
چنا أمعرسين موش أحنا بسجن
والله أمعرسين مو أحنا بسجن
يا قطار الموت يا تاريخ الأسود
كحل بعيون الأحبة
مديرم وأذار يشهد
شعبي بيكم كحل مرود
كحل مرود



فهرس القصائد

١. العرس المندائي ٧
٢. ليل دفو ١٦
٣. سفينة بلا شراع ٢٢
٤. أحياة عشك ٢٨
٥. لاجئ ٣٤
٦. اعترافات أمام برج بيزا ٤١
٧. الطوش ٤٧
٨. الشماتة ٥٢
٩. الشوك الدائم ٥٧
١٠. الغبشة ٦٢
١١. المطر ٦٨
١٢. مسك الأم ٧٣
١٣. سيدي البرحي ٧٧
١٤. الغريب ٨٢
١٥. البصير ٨٦
١٦. ما حجينا ٩٢
١٧. الشهيد ستار خضير ٩٧

١٠٣	الغربة	١٨
١٠٩	عيد الحُب	١٩
١١٤	مزنة وفاة	٢٠
١١٩	أفز بالليل	٢١
١٢٣	دفة ديمانة	٢٢
١٢٧	رسالة لاجئ من سيدني	٢٣
١٣٣	الحورية	٢٤
١٣٧	بيدر حزن	٢٥
١٤٣	نوارس الأهل	٢٦
١٤٩	تتور أُمي	٢٧
١٥٥	تستحين	٢٨
١٦٢	أغنية للطرشان	٢٩
١٦٩	أم الشهيد	٣٠
١٧٣	انتظرتك	٣١
١٧٩	خلها سكتة	٣٢
١٨٥	اشتھيتك	٣٣
١٩١	السراب	٣٤
١٩٦	أنت مثلي	٣٥
٢٠٤	تظن أنساك	٣٦

٣٧. جرف و شط ٢١١
٣٨. حرثه و سواف ٢١٦
٣٩. سرور ٢٢٠
٤٠. ضاع المستحة ٢٢٦
٤١. في مشفى ليفربول ٢٣٠
٤٢. مزنة مطر ٢٣٤
٤٣. ما أحب ٢٤٠
٤٤. كافي ٢٤٦
٤٥. ليش أحبك ٢٥١
٤٦. ما أريدك ٢٥٧
٤٧. نحبك يا عراق ٢٦٢
٤٨. الراح راح ٢٦٧
٤٩. علمتني ٢٧٣
٥٠. هلهولة بعد الخمسين ٢٨١
٥١. تعبتني ٢٨٧
٥٢. الشهداء الأبطال ٢٩٣
٥٣. عتاب للسبعين ٢٩٩
٥٤. هلي ٣٠٤
٥٥. قطار الموت ٣١٢



(+2) 01288890065
www.shams-group.net